

EMAHLUKANA-MIGWACO

ESIKHATSI

Ngifuna labarekhodako babambe loku umzuzwana nje ngaphambi kwekutsi nirekhode, uma nitsandza. Futsi sanibonani ekuseni, bangani. Ngiyetsema kutsi wonkhe umuntfu utivela mbamba...[Akucohwangwa etheyiphini—Umhl.]

² Sihlabele kutinikela kwetfu lokuvamile, *Bangeniseni*, wonkhe umuntfu kanyekanye manje, “Ngenisani labancane.”

Bangeniseni, bangeniseni,
Bangeniseni baphume emasimini esono;
Bangeniseni, bangeniseni,
Letsani labancane kuJesu.

³ Amen. Anicabangi kutsi kukhona lokumnandzi impela mayelana naloluswane loludzadlana na? Umfo lomncane, lawo lamancane, emehlo lakhanyako angibuka. Futsi kunalokutsite ngabo lokumnandzi sibili, lokumnandzi impela. Futsi babafo labancane nje labangenacala, abati lutfo ngetintfo telive. Nkulunkulu uniketile.

⁴ Futsi, niyati, kunalokutsite ngemntfwana, ekhaya, lokubophela likhaya ndzawonye. Kunekubopha, mayelana nemntfwana. Manje, ngifisa kwangatsi ngabe besinesikhatsi lesinengi kukhulumo nga—ngaletotintfo, mayelana nalalabancane, nangetintfo letehlukene. Kodvwa, sikhatsi setfu, sifuba kamatima sentela sikhatsi.

⁵ Futsi sifanele sicondze ngco eVini manje. Kulungile, kulabarekhodako, uma bafisa kurekhoda umlayeto manje ekuseni. Futsi kwangatsi Nkulunkulu angabusisa kakhulu wonkhe umuntfu.

⁶ Manje, namuhla, ngicabanga kutsi akukho lutfo lolunjengeLivi, kufundvwa kweLivi laNkulunkulu. Ngifisa ngatsi bekukulolonkhe likhaya, lapho Livi laNkulunkulu belitofundvwa khona. Futsi ngifuna ngamunye wenu, manje ekuseni, uma ningakhona kukwenta, ngisho nangesikhatsi labancane bavela emagumbini abo aSontfo sikolwa, kutsi bahloniphe ngekutifoba impela ngangoba kungenteka. Hlalani nthule, futsi nilalele njengoba ngitama, ngelusito lwaNkulunkulu, kwetfula uMlayeto lenginikwe wona emaweni asekhati nebusuku itolo kusihlwa, wentelwa libandla namuhla.

⁷ Manje, kufundvwa kwemBhalo kwetfu kutfolakala kuJoweli 2, neTento 2, Joweli 2:28. ETentweni, sicala nga 2:15. Akumangalisi yini, kutsi lomprofethi, akhulum, sahluko se 2 saJoweli, nesahluko se 2 seTento, “imvula yekucala neyamuva,” Joweli wakhulum, ngayo kulesahluko lesi lesifanako! Ngekukhulum, eTentweni, sahluko se 2, livesi le 15, futsi phansi incenye yemBhalo, sifundza loku.

Ngoba laba abakadzakwa, njengoba nicabanga, loku kusengakabi ngilo li-awa lesitsatfu lemimi.

Kodvwa loku nguloko lokwakhulunywa ngumprofethi Joweli;

Futsi kuyokwenteka ngetinsuku tekugcina, kusho Nkulunkulu, Ngiyotfulula uMoya wami etikwayo yonkhe inyama:... emadvodzana nemadvodzakati enu ayoprofetha, ... tinsizwa tenu tiyobona imibono, futsi e... labadzala bayophupha emaphupho:

Nasetincekwini tami nasetikwetincekukati tami ngiyotfulula uMoya wami ngaletotinsuku; futsi tiyoprofetha:

Futsi ngiyoveta timanga emazulwini ngetulu, netibonakaliso emhlabeni ngaphansi; ingati, nemlilo, nekudvunya kwentfutu;

Lilanga liyoguculwa libemnyama, nenyeti ibeyingati, ngaphambi kwekutsi kufike lolosuku lolukhulu nalolunakekako lweNkhosi:

Kuyofezeka, kutsi nguloyo naloyo loyobita leligama leNkhosi uyosindziswa.

Singakhotsamisa tinhloko tetfu umzuzwana nje sentele umkhuleko.

⁸ Babe wetfu lonemusa, Babe loseZulwini, njengelishidi lelikhulu lalesakhiwo manje ekuseni, yonkhe inhloko yehlela elutfulini lwemhlabo. Ngekutfobeka sikhotsamisa tinhloko tetfu netinhlitiyo tetfu, eBukhoneni baKho. Futsi siyakhuleka, Babe loseZulwini, kutsi uMoya loyiNgewelete utokuta manje, ungene eVini, futsi uLetfule kuyo yonkhe inhlitiyo njengoba nje Linendzawo, nendzawo yekulala. Kwangatsi Lingatsela ngelikhulu. Nkulunkulu, sikhulekela kutsi labangakholwa, namuhla, bangaba ngulabakholwako. Nekutsi emaKhristu atobambelela kabusha, labo labakhandlekile emgwacweni. Kwangatsi labangcwele bangakhutsateka, futsi kwangatsi labagulako bangaphiliswa. Khulum, Babe. Futsi kwangatsi singahlanganyela ngaseVini laKho njengamanje, Ngoba sikucela eGameni leNdvodzana yaNkulunkulu letsandzekako, Jesu Khristu. Amen.

⁹ Sihloko sami, manje ekuseni, uma singasibita ngekutsi, kutoba ngumlayeto ebandleni: *Emahlukana-migwaco ESikhatsi.*

¹⁰ Futsi sonkhe sikhatsi, etinsukwini letendlula, timiselo tetikhatsi tihlala njalo tifika ekupheleni kwato, futsi sifika ku—kumahlukana-migwaco. Kunemahlukana-migwaco emgwacweni lomkhulu. Kunemahlukana-migwaco emgwacweni lesihamba kuyo kulelive. Kunemahlukana-migwaco kulomgwaco lomkhulu lomdzala lomuhle lesihamba kuwo siye eNkhatimulweni.

¹¹ Futsi, sonkhe sikhatsi, kubita lokungummangaliso kukhuluma ngalonemandla onkhe. Lonemandla onkhe ngulonemandla ngalokuphelele, futsi kubita lokungummangaliso kutsi ubonakalise lonemandla onkhe. Futsi ngulongummangaliso kuphela longenta loko. Kufundzisa kweLivi kuyintfo lenhle kakhulu, futsi si...kuta, “Kukholwa kuvela ngekuva, nekuva Livi,” kodvwa kuhlala njalo kubita lokungummangaliso kucinisekisa kutsi umminimandla onkhe usaphila futsi uyabusa. Sifanele sibe nalokungummangaliso. Futsi ngikholwa kutsi liBandla manje lime esibuyen'i sekutibonakalisa lokukhulu lonemandla onkhe umhlabo loke wamat. Lowake waba khona...

¹² Ekuhloleni kwami umBhalo, kwesikhashana nje, ngitfole emahlukana-migwaco lasikhombisa lamakhulu eVini laNkulunkulu. Futsi sikhombisa yinombolo lephelele yaNkulunkulu. Tsine...U—Uyaphelela esikhombiseni. Wasebenta tinsuku letisitfupha, futsi, ngelwesikhombisa, waphumula. Umhlabo usekhona ekubuseni kwavo etikwemhlabo lapha, liBandla lisebenta iminyaka letinkhulungwane letisitfupha, yesikhombisa sikhatsi seminyaka leyiNkhulungwane. Nato tonkhe letibalo leti (futsi) teliBhayibheli tiphelele.

¹³ Futsi Nkulunkulu uhlala njalo agcina sikhatsi. Ngaletinye tikhatsi kutsi sesitsite kwephuta kancanyana, noma (lokuncane) kucabanga lokwehlukile kancane, kodvwa loko bekuhlala njalo kwentelwa inhoso. Kodvwa Nkulunkulu uhlala njalo agcina sikhatsi neMlayeto waKhe.

¹⁴ Futsi ngako, namuhla, ngikholwa kutsi sibhekene nentfo letsite lenkhulu liBandla lelifanele liyati futsi liyicondze, kutsi sifanele sati kutsi kumayelana nani konkhe loku, futsi sikutfole eVini laNkulunkulu. Ngoba ngiyakholwa, kutsi, uma—uma kungekho eVini, nginekungabata lokuncane nje. Kodywa uma Livi laNkulunkulu likhuluma ngako, khona-ke Nkulunkulu, akunandzaba kutsi kungabonakala kungulokunganaki kanjani esikweni lwetfu lwetfu fundzisa, nguNkulunkulu asebenta Livi laKhe. Tikhatsi letinengi, kuphambene nendlela yetfu yekucabanga, noma mhlawumbe indlela lesifundziswe kutsi

sicabange ngayo, kodvwa sifanele sibucondze lobuninimandla onkhe kwaNkulunkulu uma akwenta embikwetfu.

¹⁵ Manje asibuyelete emuva kwesikhashana, etingcondvvweni tetfu, futsi sidadishe, imizuzu lembalwa nje, kuleminyaka lembalwa leyendlulile yini lebeyenteka. Ngiyakholwa, njengemshumayeli weliVangeli, lesiphila kulo nje ekubonakaleni lokusedvute, kwesikhatsi sesibili, kwekuBuya kweNkhosi Jesu; kubuya kwesibili...noma kuBuya kwesiBili. Kwekucala, Wefika njengeluswane. Kulesikhatsi lesi, Uta njengeNkhosi yeNkhatimulo, kutowenta imphindziselo etikwabo bonkhe labangalaleli Livi laNkulunkulu.

¹⁶ Futsi siyakholwa, nasosonkhe lesiphitsiphitsi lesikhulu lesiphila kuso, namuhla, njengoba sibuka ndzawo tonkhe kuso sonkhe sandla, futsi sitsatse emaphephandzaba, futsi asime sibindzi, futsi siyekele kuphistsitela emsindvwensi kulesikhatsi semnyaka lesinjena, futsi sibukisise siphindze sibhekana nemaciniso, sibona, ngale kwanoma nguliphi litfunti lekungabata, kutsi intfo letsite nje seyitokwenteka.

¹⁷ Futsi niyakholwa kutsi Nkulunkulu, akakaze, nangasiph i sikhatsi, kute lokungummangaliso, noma lokunye lokuke kwenteka, ngaphandle uma Nkulunkulu akubiketela ngeLivi laKhe. Wakwembula, wakubeka, kuze kutsi emadvodza lehluleka kuhamba kuko, akhone...ayofanela eme embikwaKhe, futsi uyodzingeka abe...eme ngaphandle kwekutilandvulela, ngoba Nkulunkulu ukwenta kucace kakhulu. Kutsi, uma umuntfu akhatsatekile ngalokwenele ngako, utokutfola, uma ukhatsatekile.

¹⁸ Bewungeke udle isuphu lenemphungane kuyo. Cha, mnumzane. Be—bewungeke. Bewungeke...Bewutokwesaba kudla lobekungabukeki nje kukahle, futsi konakele. Ngoba, uyati, kungakunika phoyizeni noma lokunye, futsi kukubulale ngekhatsi kancane kancane. Futsi nicaphelisise ngalomtimba. Kodvwa, lowomphefumulo, uwuvumela ube lidzili etintfweni telive, lokwatiko kutsi konakele futsi kungenta intfo yinye, kungakuyisa ekubhujisweni. Noma ngabe ungawuphatsa kahle kanjani lomtimba, noma kungaba kudla lokukahle kanjani, noma uphila kanjani, ufanele ubuyelete elutfulini lwemhlaba. Kodvwa lowomphefumulo uyophila ingunaphakadze, ndzawanatsite. Nggingamane ngidle isuphu leyonakele kuneckuti ngone umphefumulo wami ngetintfo talamhlaben, noma kunini.

¹⁹ Umehlukana-migwaco! Nkulunkulu, sonkhe sikhatsi, ngaphambi kwekutsi emahlukana-migwaco lemikhulu ifike, noma kuphele sikhatsi, lapho Acala khona intfo lensha, emahlukana-migwaco nalemidzala, kulemisha, nesimiselo sesikhatsi sinye kulesinye, Uhlala njalo akhombisa eMandla aKhe. Umuntfu, kuleminyaka, uhlala ehluleka, futsi afundzise

akwesha, achaze akhwesha, akhweshe kuNkulunkulu mbamba lophilako. Kodvwa, ngaphambi nje kwekutsi Yena abe ngemahlukana-migwaco futsi angene esimiselweni sesikhatsi lesisha, Naku kuvela enkhundleni, netibonakaliso letimimangaliso kanye netimanga. Bekahlala njalo akwenta.

²⁰ Bukani kubhujiswa kwekucala kwemhlaba, umgabanco wekucala. Emvakwekuba umhlaba sewubunjiwe, futsi Nkulunkulu wabeka umuntfu emhlabeni, liBhayibheli latsi bacala kwakha emadolobha, tinhlelo letinkhulu tetakhwo tachubeka emhlabeni.

²¹ Kubukeni namuhla. Jesu washo ngalokucacile, “Njengoba kwakunjalo etinsukwini taNowa, kuyoba njalo ekuBuyeni kweNdvodzana yemuntfu.” Intfo lefanako.

²² Niyacaphela, besebatfole indlela yekusebenta ngelitfusi. Besebatfole indlela yekusebenta ngelitfusi, nangensimbi, ngaphambi nje kwekubhujiswa kwemhlaba ngemanti.

²³ Bukani lolusuku lesiphila kulo manje, kutsi kwakhiwa kanjani! Batsi, “Bantfu bandza etikwebuso bemhlaba.” Bukani lapha kuletfu...ngisho nelidolobha letfu lelincane, futsi sicatsanise lelidolobha lelincane, eminyakeni lembalwa leyendlulile, letinkhulungwane letilishumi nakune, manje lapha tinkhulungwane letingemashumi lamabili nesikhombisa noma ngetulu. Nawe ungeke utfole indzawo lenkhulu ngalokwenele yekutingela bologwaja kuyo, ayisekho. Konkhe sengumsebenti wetindlu. Kunjalo. Kwakha! Kuyakhula! Kuyandza!

²⁴ Futsi Watsi, “Uma bacala kwandza, khona-ke sono nebubi kuyangena.” Loko ngulenye yetinsika letinkhulu tetibonakaliso, kutsi sisekupheleni kwemgwaco; lenye yetibonakaliso letinkhulu.

²⁵ Caphelani, ngalesosikhatsi, kwakunendvodza ligama layo linguNimrodi, lowaphuma futsi wakha lidolobha lelikhulu laseBhabhiloni, futsi wenta lubumbano kuwo onkhe lamadolobha lasondzele, kutsi abumbane. Futsi abe lidolobha linye lelikhulu, futsi lelo kube yiBhabhiloni. Nekutsi Nkulunkulu wayedzelela kanjani leyonhlangano yeluhlelo lwelive!

²⁶ Kubukeni namuhla, intfo lefanako. Lubumbano lwetisebenti, umuntfu batibopha ndzawonye ngetinyonyane nange—ngetibopho letehlukene, futsi ngelihlelo lwelibandla. Luyawahlanganisa ndzawonye, lubulala lamabondza, lubulala lo—lobudlelwane emkhatsini webazalwane labehlukene. Lubumbano, lesinye setibonakaliso letinkhulu Nkulunkulu lasiniketa ekubhujisweni kwekucala, siyakubona kubonakala lapha ekubhujisweni kwekugcina. Niyakubona na?

²⁷ Caphelani, futsi lenye intfo layenta emuva lapho, siyakucaphela ngesikhatsi sencushuncushu lenkhulu, lapho inhlitiyo yebantfu icala kubandza futsi ikhwesha

kuNkulunkulu, besifazane baba sithico lesinjalo. “Ngesikhatsi emadvodzana aNkulunkulu abona emadvodzakati ebantfu, kutsi mahle—mahle,” aba luhlelo lwekulalana.

²⁸ Kubukeni namuhla, lesiphila kuko. (Hhayi kukhuluma ngekumelana nebesifazane labahloniphekile. Cha, mnumzane. Bangemathulusi aNkulunkulu.) Kodvwa labo labangatikhatsalei bona; kutsi lunengi kanjani luhlangotsi lolumelane nabo, loluhamba hambako, “lushada, bendzisa.” Nkulunkulu washo njalo, eBhayibhelini. Jesu watsi, “Ngaphambi kwesikhatsi saNowa,” ekugcineni, “bebashada futsi bendzisa.” Kutsi siphitsiphitsi lesikhulu sigcwele kanjani emhlabeni manje! Futsi siyakucondza loko. Futsi intfo yinye leyabangela loko, liBhayibheli lasho kutsi imimoya (imimoya lemikhulu) yehla, imimoya lemibi, futsi yangena kulabantfu laba futsi yenta letintfo leti. Futsi sibona imimoya lemibi lefanako isebenta elusukwini lwetfu.

²⁹ Futsi manje caphelani futsi, kutsi, hhayi loko kuphela. Lapho sonkhe sihogo sikhululwa, lonkhe liZulu liyakhulwa, nalo. Uma sitsa singena njengesikhukhula, uMoya waNkulunkulu uphakamisa lizinga kumelana naso. Futsi lamandla lamibili ahlala njalo abonakaliswa kumahlukana-migwaco.

³⁰ Manje, njengoba sibona kutsi sikhatsi Nimrodi lebekalelse lonkhe lolubumbo ndzawonye, futsi wenta bonkhe bantfu kutsi bete eBhabhiloni futsi bangene kulolubumbo lolukhulu, nesikhatsi sabo bonkhe bubi buchubeka emkhatsini webesifazane, ngekulalana, nakanjalonjalo; ngesikhatsi lesifanako, Nkulunkulu bekanafakazi emhlabeni: Enoki, lowahamba naNkulunkulu, angenasici. Futsi ngesikhatsi lesifanako lapho bubi babuchamuka, tingelosi tabonakala emhlabeni. Tidalwa letitingelosi tangena kumuntfu.

³¹ Umfanekiso lomuhle kakhulu wanamuhla, futsi. Njengoba bubi buvela, kanjalo nekubonakala kwalokuhle.

³² Futsi caphelani emuva lapho ngalolosuku lolubi, ngaphambi nje kwekubhujiswa, ngesikhatsi Nkulunkulu anemuntfu ngephandle ashumayela liVangeli, indvodza lephuyile, indvodza letfobekile, hhai kangako kwelive, kodvwa umuntfu lobekanenhltiyo kutsi alalele Nkulunkulu; Nowa. Kwakukhona Nowa na-Enoki, bashumayela, ngesikhatsi lesifanako.

³³ Futsi uma nicaphela, ngale eSambulweni se 11, latsi, “Ngiyonika bofakazi baMi lababili ngelusuku lwekugcina,” bofakazi lababili futsi elusukwini lwekugcina, Sambulo se 11, “futsi bayokwenta tibonakaliso netimanga emkhatsini webantfu.”

³⁴ Bukani emuva lapho ngalesosikhatsi, njengoba Nowa na-Enoki bekashumayela. Futsi Nowa bekashumayela umlayeto lowawubonakala uhlanya kakhulu emhlabeni.

Futsi Nowa...Naku manje. Nowa bekalungisa umkhumbi, enta indzawo yekuphepha. Futsi loko kwakungummangaliso ngekwawo. Kutsi lendvodza, eveni lelomile, lapho khona emanti angazange sefike, beyilungisa umkhumbi kuntanta etikwelwandle lolunemandla lolwalutoba lapho. Futsi atsi, "Beketa ehla avela etibhakabbakeni," futsi bekakuphi na? "Kodvwa ngekukholwa," lokungummangaliso cobo lwawo, "Nowa, acwayisiwe nguNkulunkulu, walungisa umkhumbi." Niyakubona na? Akunandzaba kutsi kwakubukeka kubulima kanjani, kutsi kwakubonakala kukuhlanya kanjani, kubantfu; kwakungummangaliso, ngekwawo, kubona invodza ibetsela ngesandvo. Loko kwabonakala kukungaphili enhloko.

³⁵ Kuphindzekile futsi namuhla. Uma umuntfu abalekela Livangeli leNkhosi Jesu Kristu, lelishumayela umbhabhatisa waMoya Loyingwele, alungiselela bantfu tehlulelo letitako, noma lihawu kuko. Nebantfu belibandla lesimanje bayahlekla futsi bayahlekisa, futsi batsi, "Kute lutfo Ngako. Futsi netinsuku temimangaliso setendululile." Kungummangaliso, libhodi lweluphawu kumahlukana-migwaco.

³⁶ Nowa, asebentela khashane, hhayi kutsi bekanani kuphela...enta ummangaliso, noma bukan...Bekabuka, futsi, ummangaliso.

³⁷ Nelibandla namuhla, njengoba lisebenta le ngaphansi kwemsebenti wekushumayela liVangeli, netibonakaliso netimanga tilandzela, balungiselela ummangaliso: luHlwitfo lweliBandla, nekuya eKhaya. Alungisa bantfu, abenta babe lula, betfulwe umtfwalo etintffweni telive, futsi batfole imiphefumulo yabo ibekwe eBukhoneni baNkulunkulu, kutsi uma Jesu abonakala kwesibili, enkhatalimulweni, labo lesebalungele bayohlwitwa futsi bahlwitfwе kanyekanye, kutsi baMhangabete emoyeni futsi babe kanye naYe.

³⁸ "Njengoba kwakunjalo esikhatsini saNowa, kuyoba njalo ekuBuyeni kweNdvdzana yemuntfu; badla, banatsa, bashada, bendzisa," tonkhe letotintfo lenitibona tichubeka tenteka. Vulekani...Nkulunkulu uyapha, namuhla, kutsi uvule... Nkulunkulu uvula kucondza kwakho, kutsi ubone kutsi lawa mabhodi etimpawu. Nemimangaliso lengetulu kwemvelo ilenga ngco embikwetfu namuhla, ngekuBuya kweSibili kweNkhosi Jesu Khristu, futsi sikumahlukana-migwaco. Caphelani.

³⁹ Futsi lapho Nowa acala kwecwayisa bantfu, futsi ashumayele, labanengi babo bamhleka, bamhhalatisa, ngoba umlayeto wakhe wawubonakala uphumile ngalokuphelele ekuzindleni.

⁴⁰ Futsi namuhla, bebangakwenta kanjani bantfu namuhla... uma batsi, "Sinabodokotela labancono kunabo bonkhe

emhlabeni. Sinemitfolamphilo lekahle kakhulu lesike sabanayo. Sinako konkhe *loku, loko, futsi naloko*. Singadzingelani . . .”

⁴¹ Lalelani. Namuhla, sidzinga kuphilisa kwaNkulunkulu kubi kakhulu kunalesake sakudzinga. Futsi njengoba tinsuku tichubeka, njalonjalo, nakanjalo, ngako litodzingeka kakhulu futsi kakhulu. Futsi kutofezeka, emvakwesikhashana, kutsi ngaphandle uma umuntfu anamatseliswe ngeluphawu ngaMoya loNgcwele, kulukhuni kusho, utibeke yena lucobo avuleke kuto tonkhe tinhlobo tetintfo. “Ningasondzeli kunoma ngumuphi walabo labaneluPhawu lwaNkulunkulu ebuntini labo, lapho letotinhlupho letinkhulu ticala kwehla.” Sikumahlukana-migwaco esiphambanweni semigwaco manje.

⁴² Futsi njengoba sicaphela, futsi sibona Nowa, kutsi bekahamba kanjani, acwayisa bantfu, atsi kwakuta imvula. Bantfu bebangati ngisho nekutsi imvula yayichaza kutsini. Lalingakaze line.

⁴³ Futsi kunebantfu emhlabeni, namuhla, emvakweminyaka letinkhulungwane letimbili yekushumayela kweliVangeli, labangati kutsi kusho kutsini kutilwa kabusha ngaMoya waNkulunkulu. Kodvwa abati kutsi lonemandla onkhe kusho kutsini. Ini? Nkulunkulu kulobumninimandla onkhe kaKhe lokukhulu lokungagucula umphefumulo ekubeni so—soni sasesitaladini, kuya esigabeni setingelosi eMbuswени waNkulunkulu, njengendvodzana nendvodzakati yaNkulunkulu. Abakucondzi. Batsetfwe kakhulu, lutsandvo lwetintfo telive. Kumanyatela, kutsandzana nelive, futsi bangaccondzi kutsi lowo ngumoya lomubi, utsi nembhalo lomkhulu ebhodini lweluphawu kwentela bantfu balolisuku, kutsi bacaphele futsi balungele. Jesu watsi, “Uma letintfo leti ticala kwenteka, phakamisa inhloko yakho, kuhlengwa kwakho sekuyasondzela.”

⁴⁴ Akusiko loko kuphela, kodvwa Nkulunkulu wakhombisa tibonakaliso nga-Enoki, Wakhombisa tibonakaliso ngaNowa, nelive lakuhleka. Kodvwa, ngalelinye lilanga, nako kufika kudvumo nembane. Nako kuphuma umlilo ezulwini. Umbane nemidvumo kwacala kudvuma. Lowo kwakungummangaliso, ngekwawo. Nemvula yacala kuwa.

⁴⁵ Kodvwa nangu ummangaliso lomkhulu. Ummangaliso kwakukutsi Nkulunkulu waba nemntfwana waKhe lomkholvako afihlwé emkhumbini wekuphepha. Sonkhe lesikhatsi umdvumo lowawuchubeka ngaso, imvula yayina, Nowa bekaphumule emkhunjini naNkulunkulu, labamiselwe ngaphambil, bagcotjwa ngaphambil, kutsi bahambe bangene kulowomkhumbi. Ngesikhatsi tinhlupho tehla, nowa bekasekuphumuleni, aphephile; lobekahlekiwe, wangena ekuphumuleni.

⁴⁶ Labo lababahlekako futsi bahlekise ngabo, namuhla, ngobanifisa kuphila imphilo letinikele ngalokuphelele eNkhosini Jesu, abacondzi kutsi nifihlwe ngaphansi kwengalo yaKhe yangunaphakadze. Abacondzi kutsi uphumlile nje ngekuphepha ngangoba ungakhona, Lonemandla onkhe, futsi kute lokungakulima.

⁴⁷ Umkhumbi ucala...emanti acala kuta, neabantfu bacala kumemeta kakhulu futsi bakhala, futsi bampongolota futsi bachubeka. Futsi esikhundleni semkhumbi lohleti lapho, untanta khona ngetulu, sonkhe sikhatsi, utfwele Nowa futsi umlolotela emagagasini. Impela. Kwakulibhodi lweluphawu. Nkulunkulu wawutsanyela umhlaba wahloba, esonweni. Bekatocala lomusha. Tibonakaliso netimanga tibonakala ngaphambi kwekutsi Akwente.

⁴⁸ Caphelani, ekuphumeni, ngesikhatsi Nkulunkulu akhulula Israyeli, lobekasekuboshweni, entasi eGibhithe. Ngaphambi kwekutsi Nkulunkulu agucule umuno munye ku-Israyeli, intfo yekucala Layentile kwaba sibonakaliso lesingetulu kwemvelo, kukhombisa kutsi BekanguMnimandla, kutsi Usaphila. Baphristi narabi, nakanjalonjalo, bangalolosuku, bacabanga kutsi Nkulunkulu bekaphumile ekubeni khona, njengoba benta nje namuhla. Kodvwa Nkulunkulu solo unguMnimandla onkhe, futsi solo usenta lokungummangaliso. Futsi bacabanga kutsi Uphumile ekuphileni. Kodvwa emkhatsini walesikhatsi, Nkulunkulu wehla kancane, umndeni lomncane waLevi, futsi watala indvodzana, beyingumkhululi.

⁴⁹ Futsi nekutsi Mosi lomncane wafihlwa kulomkhumbi. Ngifisa kwangatsi ngabe besinesikhatsi sekungena kuko futsi sikuchaze, kutsi bamkhiphela kanjani emfuleni lapho. Futsi lapho, emkhatsini wetingwenya, nako konkhe lokunye, kwenta lokungummangaliso.

⁵⁰ Kutsi Wamgcina kanjani Mosi, khona lapho kulesikhatsi, kutsi bacabanga kanjani kutsi tikhatsi temimangaliso setendlulile. Kodvwa bebakumahlukana-migwaco. Bebanalo Livi. Bebanematsambo aJosefa. Bona bebakahle. Bebatibonakaliso, yebo, kutsi Nkulunkulu bekasolo aphila futsi abusa, futsi bekaselusukwini lunye. Kodvwa hhayi loko kuphela, kodvwa noma kunjalo, ngaphandle kweLivi, bebanaNkulunkulu longumniminimandla onkhe Longeke ehluleke, Longuye itolo, namuhla naphakadze, Lowema emkhatsini wabo bonkhe.

⁵¹ Futsi aneminyaka lengemashumi lamane, ngesikhatsi Mosi eme ngaseceleni kwemfula...noma luhlangotsi lwelugwadvule, Nkulunkulu wehla ngesimo seNgelosi. Futsi Nkulunkulu, ngaphambi kwekutsi Abhubhise iGibhithe, futsi wadvonsela bantfwana baKhe ngephandle futsi wantjintja sonkhe simiselo sesikhatsi, Wabonakala emhlabeni futsi watfumela tiNgelosi kulabaphuyile nalabadzingako. Wenta tibonakaliso

netimanga. Futsi Wakhombisa Mosi iNkhatimulo yaKhe. Kutsi bekangalutsatsa kanjani lutsi bese wenta ummangaliso. Kutsi angatibeka kanjani tandla takhe esifubeni sakhe futsi asiphilise, sinebulephelo.

⁵² Kwakuyini na? Sinesikhatsi sekuntjintja. Sasinemigwaco lenemahlukana-migwaco. Futsi naNkulunkulu lomkhulu longagucuki lo—lobekasekhatsi...akagucuki, Lowenta letotintfo ngemahlukana-migwaco esikhatsi, lendlulile, Angenta lokunganani manje ngesikhatsi sonkhe sihogo sivukwe lulaka nesikhatsi sekugcina sesilapha! Unguye. Akehluleki. UMnirimandla onkhe ahlangana nalokungummangaliso. Impela. Lokungaphenyeki...Kucabanga kwemunfu lokungenangcondvo ngeke kwacondza lokungummangaliso. Ufanele ungene ube nekutsintsana naLonemandla onkhe. Futsi uma wenta loko, uba nekutsintsana naLokungetulu kwemvelo. Imphilo yakho iyagucuka, kucabanga kwakho kuyagucuka, umcondvo wakho uyagucuka. Wentie ngalokwehlukile. Kugula kwakho kuyashabalala. Emandla lamakhulu aNkulunkulu angene.

⁵³ Mosi, esihlahleni. Wabona futsi weva uMnirimandla onkhe, futsi ubone lokungummangaliso. Nkulunkulu bekangeneliseki ngekunika Mosi umlayeto nje, kutsi ehle futsi ashumayele, yedvwa, kubaseGibhithe, nekutsi ashumayele kuma-Israyeli. Nkulunkulu, longuMnirimandla onkhe naNkulunkulu wemimangaliso, bekangesuye lo—loNkulunkulu kutsi nje akwembule kumuntu munye. Kodvwa Watsi, “Tsatsa letibonakaliso leti!” Haleluya! “Tsatsa letibonakaliso leti futsi utikhombise entasi lapho. Ngitawuba nawe.”

⁵⁴ Luntjintjo! Emahlukana-migwaco besafikile; sikhatsi sekutsi kwenteke lokutsite. Kodvwa ngaphambi kwekutsi leyontfo yenteke, Nkulunkulu uniketa secwayiso saKhe. “Solo nginguJeova. Solo Ngiyaphila. Futsi Ngingumnimandla onkhe. Futsi NginguNkulunkulu wemimangaliso.”

⁵⁵ Futsi lapho ehlela eGibhithe, watsatsa indvuku yakhe wayiphonsa phansi, futsi waphilisa sandla sakhe sinebulephelo, futsi wenta letotintfo.

⁵⁶ Khona-ke ngifuna nicaphele, sonkhe sikhatsi lokungummangaliso kwentiwe, Sathane uhlaela kwenta intfo-mbumbulu yako. Futsi asenta tintfo-mbumbulu ngalolosuku, usasolo enta tintfo-mbumbulu nanamuhla. Ngisho netintfo-mbumbulu takhe tikhomba kuphela esikhatsini sekugcina ngemahlukana-migwaco.

⁵⁷ Bebanebabhuli labadzala, futsi entasi lapho, ligama lakhe nguJanesi naJambresi, lowasukuma. Futsi bebakhona kuphonsa tindvuku tabo phansi futsi batigucule tibe tinyoka, futsi nakanjalo, futsi bente njengaye, bentanjalo. Kodvwa Nkulunkulu wacinisekisa kutsi bekangubani Nkulunkulu.

Bebaletsa tinhlupho, kodywa bebangeke bakwente kophilisa kwaNkulunkulu, ngoba nguNkulunkulu yedvwa longaphilisa. Futsi baveta litfumba, kodywa abakhonanga kulisusa. Nkulunkulu wema eMandleni aKhe lapho, kukhombisa kutsi kophilisa kwaNkulunkulu sibili kwakungummangaliso waKhe, kufakazela Lonemandla onkhe emgwacweni lowehlukanako.

⁵⁸ EmaGibhithe abita ematfumba, kodywa atibhubukela. Kodywa sisibenti saNkulunkulu sasikhona kuwasusa. Leni na? Bangenta intfo-mbumbulu.

⁵⁹ Siyafundzisa, kulolu tinsuku tekugcina, kutsi kutobakhona intfo lefanako. “Njengoba Janesi naJambresi bamelana naMosi, kanjalo laba bayomelana neliCiniso; emadvodza lanemcondvo lokhohlakele, mayelana nekukholwa.” Kutsi bayokwenta kanjani! “Labanemawala, labakhukhumele; labatsanza injabulo kunaNkulunkulu; labephula tivumelwano, labangeneliseki. Banesimo sekumesaba nkulunkulu.”

⁶⁰ O, siphila kanjani lusuku, umgwacweni lowehlukanako; ekupheleni kwemgwaco, kuphela kwemyaka! Nkulunkulu uyakufakazela loko. Live lelimangalisako kuhlala kulo.

⁶¹ Nkulunkulu wafakaza kubo, futsi waticinisekisa Yena lucobo, futsi watfola inkhatimulo. Kutsi Wehlela kanjani lapho eGibhithe futsi washaya sive! Kutsi wamkhipha kanjani Israyeli etimphikweni telukhozi, futsi wenta tibonakaliso netimanga, ngoba UnguMnimandla wetfu. Futsi Wenta lokungummangaliso.

⁶² Ngaphambi kwekutsi Acwilise tincola taFaro, Uniketa lonkhe luhlobo lwesibonakaliso. Unika tibonakaliso tekuphilisa kwaNkulunkulu. Uniketa tibonakaliso nato tonkhe tincinisekiso temandla aKhe. Kutsi Bekangayisindzisa kanjani indvodzana lendzala, noma atsatse indvodzana lendzala. Kutsi angabhubhisa kanjani, noma Angasindzisa kanjani. Kutsi Angayenta kanjani imimangaliso. Angenta lokungummangaliso. Nekutsi lilanga nenyeti kwagucuka kwabamnyama kanjani! Kutsi sangcotfo satsanyela kanjani umhlabatsi. Kutsi umbane washanyela kanjani eveni futsi wabulala tinkhommo, nakanjalonjalo, njengoba nje kwenta ngetinsuku taNowa.

⁶³ Futsi Watsi, “Etinsukwini tekugcina, inyeti iyokwehluleka kutsi inikete kukhanya kwayo, nelilanga ngeke likhanye. Futsi angagucuka abemnyama njengelisaka; antfonse ingati,” ngesikhatsi afihla buso bakhe futsi akhala, yena lucobolwakhe, futsi afoma ingati leyehlako ngelusizi. Nkulunkulu utoba semhlaben, Ummnimandla onkhe, enta lokungummangaliso. Empeleni. Angekwenta. Ungumninimandla onkhe. Kucabange.

⁶⁴ Lapho, entasi lapho eGibhithe, kutsi Watenta kanjani letotibonakaliso netimanga, netintfo Lebekatentile! UnguNkulunkulu. Akekho longatsatsa indzawo yaKhe.

⁶⁵ Caphelani, Nkulunkulu wenta ummangaliso waKhe, futsi Unika Faro litfuba. NaFaro wehluleka futsi wala kutsatsa litfuba lakhe. Kwakungasekho lutfo lolusele.

⁶⁶ Uma umuntfu angasemukeli sihawu saNkulunkulu, yinye kuphela intfo lesele, loko kwehluelwa. Futsi, mngani wami lotsandzekako, namuhla, Nkulunkulu asisita, uma nibona kuphela kwalesihloko lesi kufika, futsi uma ungemukeli umusa loniketwe nguJesu Khristu, uMoya loNgewe, kute lokutobe kusele kodvwa kwehluelwa lokuNgetulu. Kute lokutobe kusele.

⁶⁷ Faro ekugcineni wona wakhwesha ngelusuku lwakhe lwemusa futsi kwakungasekho lutfo lolusele, ngoba emahlukan-a-migwaco kwakusondzele. Futsi naNkulunkulu wehlukanisa lesikhatsi.

⁶⁸ Ngesikhatsi Loti na-Abrahama, ngalesinye sikhatsi, ngesikhatsi Abrahama bekatoba ngumbusi wemhlaba, intalo yakhe yayitohlakateka etikwemhlaba. BekanaLoti umshana wakhe kanye naye, lokwakusihlobo.

⁶⁹ Futsi sitfombe lesihle kanje pho namuhla salelibandzako, libandla leligcina umtsetfo ngemehlo nje lelingenakan; kulabatelwe ngaMoya, labakhetsiwe, lababitelwe ngephandle, liBandla lelihlukanisiwe laNkulunkulu lophilako. Bahlala ndzawonye ngelitsafa lelifanako.

⁷⁰ Kodvwa ekugcineni kufika esikhatsini lapho Loti atsatsa khona licembu lakhe lelikhulu futsi waya entasi eSodoma naseGomora, lapho bayotsandwa bantfu khona, lapho bebatotsatsa khona kukhetsa kwelive. Futsi Abrahama wahlala entsandvwani yaNkulunkulu wase utsatsa labaphuyile belive. Sara, umkakhe lomuhle, na-Abrahama, wahlala emhlabatsini longakavundzi, kute bakhone kukhonta iNkhosi.

⁷¹ Nkulunkulu akatsembisi umbhedze lolula wetimbhali. Ungakhohlisi ngemKhristu. Futsi ungakhohlisi ngeMlayeto, ngekubatjela, kutsi, “Yonkhe intfo itolunga. Akukho lutfo lolutokulimata. Kute lutfo lelitohamba. Kute tivivinyo noma lokukhona.” Loko kuliphutsa.

⁷² Njengoba imbongi yatsi, “Ngifanele ngitfwalwe ngiye eZulwini ngembhedze wetimbali lolula, ngesikhatsi labanye balwela kutsi bazuze umklomelo futsi bantjweza etilwandle letinengati?” Cha, mnumzane.

⁷³ Nkulunkulu akasetsembisi bulula nemphumelelo. aKodvwa Wetsembise umusa, kutsi bacinisele sonkhe sikhatsi. Ngumusa lona lesiwubukile.

⁷⁴ Abrahama wakhetsa indlela yaNkulunkulu. Wahlala esicongweni sentseba, lapho kwakungekho tjani lobunengi betinkhomu takhe. Kodvwa, Loti, umfanekiso welive lelihlubukile, libandla lelingakholelwa kulokungummangaliso. Kwase-ke kufika letotintfo nesilondza ngakuNkulunkulu,

kwate kwadzingeka kutsi kufike kumahlukana-migwaco. Kwakufanele kubenesikhatsi. Ngoba, Abrahama bekayindlalifa yelive.

⁷⁵ O Nkulunkulu, kungani emaKhristu angaboni na? "Babusisiwe labamsulwa enhlitiyweni; bayombona Nkulunkulu. Babusisiwe labamnene; bayokudla lifa lemhlaba." Sikhatsi semahlukana-migwaco sesisedvute; Babe wetfu kukhombisa kutsi sisesikhatsini sekugcina. Niyabona na? Lokungummangaliso, longetulu kwemvelo, uMninimandla onkhe enta lokungummangaliso. Mbukeni.

⁷⁶ Njengasesikhatsini sa-Abrahama, ngaphambi nje kwesikhatsi sekugcina, bukani kutsi kwentekeni emhlabeni, entasi eSodoma, edolobheni lelikhulu.

⁷⁷ Abrahama bekhahlala ethendeni, lobekayindlalifa yetintfo tonkhe, wahlala ethendeni. Ngako akumangalisi imbongi yayingatsi, "Lithende noma indlwana, kungani ngifanele ngibenenzaba ngaloko na?" Uyindlalifa yetintfo tonkhe, uma ukuKhristu. Nkulunkulu uMnikie umhlabo, futsi UyiNkholosi. Futsi sikuYe, indlalifa yetintfo tonkhe, lonemandla onkhe, longummangaliso, kumahlukana-migwaco esikhatsi.

⁷⁸ Caphelisisani manje, njengoba sichubekela kuloku. Bukisisani kutsi Nkulunkulu wenta kanjani ngaphambi nje kwesikhatsi sekugcina.

⁷⁹ Loti, entasi eSodoma. Imphendvuketelo yayandza. Indvodza iba sitabane, lophendvuketelwe, agucula indlela yemvelo yemvelo yemuntfu yaba setindleleni letiphendvuketelwe.

⁸⁰ Bukani live namuhla. Yonkhe lentfo seyigucuka iba simiselo sesikhatsi lesiphendvuketelwe. Netindzawo letinkhulu, lapho bantfu baya kuyofundzela khona inkholo, etikolwени letinkhulu. Futsi ngikukhulumile futsi ngakwati, lapho emadvodza angavunyelwa kushada besifazane, kodvwa kubi kakhulu. Nekutsi kukanjani etikolweni namuhla, kulamabandla esimanje ngephandle lapho, kutsi lentfo lenkhulu kanjani! Bantfu banatsile futsi babhema, utsi bavusa inkhanuko, futsi bagagadlala emantfombataneni lamancane futsi nakanjalo, futsi bacala ebuntwaneni babo, kwaze kwatsi indlela yabo yangempela yekuphila yaphendvuketelwa. Nkulunkulu ubanikelele ekubhujisweni. Netimphilo tabo tibhicwe taze tangatsi atisesito temadvodza emvelo nebesifazane nhlobo. Develi ubabambe kakhulu.

⁸¹ Bukani emahlukana-migwaco lapho neSodoma neGomora. Bukani emahlukana-migwaco etinsukwini taNowa, bashada futsi bendzisa. Niyalibona libhodi leluphawu na? Kwentekeni na? Ngesikhatsi lesifanako, Nkulunkulu bekanemprofethi emhlabeni.

⁸² Ngaphambi kwesikhatsi sekugcina... Naku ke. Lalelani! Sonkhe sikhatsi, ngaphambi kwesikhatsi sekugcina, ngesikhatsi

Sathane akhulula balingisi bakhe, Nkulunkulu utfumela baprofethi baKhe. Futsi siyatjelwa eBhayibhelini, kutsi, "Ngelusuku lwekugcina tinsizwa tenu tiyobona imibono, nasetikwetincekukati taMi netisebenti letibesifazane."

Baprofethi bayovela futsi emhlabeni. Baboni-mbono bayobonakala emhlabeni, esikhatsini sekugcina. Silapha. Sikumahlukana-migwaco kwemgwaco. Kuprofethiwe ngibo bonkhe baprofethi labangcweli, kusukela phansi emnyakeni, futsi kwashiwo ngaphambili Livi lelingcweli laNkulunkulu. Sikhatsi sekugcina: kutsi iNkhosi iyokwenta kanjani, kutsi tibusiso taYo tiyoba njani, nekutsi develi u yokwentani ngaletotinsuku, lokwakutokwenteka, sikhatsi sekugcina.

⁸³ Bungcweli baNkulunkulu ngeke babumele bubi belive. Kodvwa ngaphambi kwekutsi Afike emahlukwaneni emigwaco, utfumela kumanyata lokubovu kwesecwayiso. Akusiko loko kuphela, kodvwa ngaphambi kwekutsi Nkulunkulu abhubhise iSodoma neGomora, Watfumela futsi tiNgelosi emhlabeni, letatibhica nebantfu.

⁸⁴ Futsi ngaphambi kwesikhatsi sekugcina, Nkulunkulu wetsembisa kutsi Uyotfumela tiNgelosi. Futsi siyatibona. Tita neMilayeto yaNkulunkulu somandla. Sikhatsi semahlukana-migwaco! Akukehlukani nje nemaviki lamatsatfu lendlulile, kubona lowo Lonemandla eme lapho, Lowema kusukela ngisengumfanyana, futsi wakhuluma. Angisilo luhlanya; niyakwati loko. Kodvwa kukugcwalisa imiBhalo.

⁸⁵ Ngicabanga kutsi lelibandla leli lifanele lati liCiniso, nesibonakaliso lapho sikhona; kutsi ungeke uvilaphe; kutsi utobe uvukile futsi ukwenta; kutsi kungaboni ngasolinye kutocatululwa, futsi utawuhamba njengemadvodza lamesabako nkulunkulu mbamba nebesifazane, inhliityo yakho ihlale kuKhristu. Futsi ningabuki kuletintfo leti temanga temhlaba, ngoba kwadeveli; konkhe lokucabana futsi netimphi, futsi nekuzama nekwehlukana. Khweshani kuko. Sisekugcineni. Futsi, khumbulani, ningete naba nalelinye liviki kukungenisa. Angati. NguNkulunkulu kuphela lowatiko. Silapha ekugcineni.

Kwakukhona Nowa, ngesikhatsi sakhe.

Nangu Israyeli, ngesikhatsi sabo.

⁸⁶ Nangu Abrahama, kumahlukana-migwaco lalandzelako, emkhatsini (u—umhlaba) wemvelo nalongetulu kwemvelo. Tingelosi tehla. Tatibukeka njengebantfu. Ludvumo! Futsi wema ngaku-Abrahama, umprofethi, wase uyamtjela, "Abrahama, Nkulunkulu utokwenta lokungetulu kwemvelo. Cishe ngalesikhatsi lesi, emnyakeni lotako, ngekuphila, Ngitonivakashela. Umkakho, loneminyaka lelikhulu budzala, futsi utotala umntfwana. Ngitokukhombisa emandla aMi, kophilisa kwaNkulunkulu. Ngitokugucula, futsi ngikubuyisele ekubeni yinsizwa futsi. Futsi ngitomntjintja Sara, futsi ngimente

abe ngumuntfu lowehlukile.” Utomenta wesifazane lomncane. “Ngingulongummangaliso. Ngingumninimandla onkhe. Ngenta lokungummangaliso. Amen. Ngitonikhombisa emandla aMi. Abrahama, sikumahlukana-migwaco esikhatsi. Imimoya lemibi isentasi ngaleya eSodoma. Yebo. Basebenta emkhatsini welive entasi lapho.”

⁸⁷ Basebenta lapha namuhla. Ngeketetsema, futsi nangebukhatikhati, futsi asho emahlaya ebulwane, futsi tonkhe tintfo letingcolile emsakatweni, kumabonakudze, tingakahlungwa ngisho noma kute lokunye. Futsi kuphendvuketela, ngaletinye tikhatsi, liVangeli, endzabeni yenhlalakahle. Umhlabo wonkhe sewuphendvuketelwe. Kodvwa ngesikhatsi lesifanako umhlabo sewuphendvuketelwe, emakholwa ayaphendvuka, eNkhosini neMandla aNkulunkulu, ngekusebenta nangekubonakala kwalonemandla onkhe. Kutsi Nkulunkulu, emseni Wakhe, ukhombisa letintfo leti!

⁸⁸ Watsi, “Abrahama,” ngesikhatsi lomprofethi asehleti ngaphansi kwelithende lakhe, indvodza lendzala, etulu eveni leliyinyumba. Wakhatsalela ini? Lithende, noma indlwana, ini, akwentanga mehluko kuye. Bekayindlalifa yako konkhe kwako. Yonkhe intfo yayiyakhe, futsi bekakwati.

⁸⁹ Kanjalo nelikholwa liyati namuhla. Yini lesiyikhatsalelako ngaletintfo leti tasemhlabeni na? Kungako ngiyiyekele lemihlangano, kungasiko kadzeni, ngoba angeke ngintjontje kubanfu umnikelo. Anginandzaba kutsi bantfu batsini, ngikholwa kutsi Nkulunkulu mkhulu ngalokwenele kuniketa yonkhe intfo Layidzingako. Yebo, mnumzane. Ngingamane ngidle imicatsane ye-soda futsi ngnatse emanti ashukela, futsi ngishumayele liVangeli, kunekuba netintfo letikahle telive. Akunandzaba, uma sibatfola kutsi sitinikele tsine lucobo etandleni taKhe, futsi sibuke kuLomandla onkhe. Kunjalo.

⁹⁰ Bukisisani kutsi kukuphi. Futsi siyaMbona njengoba Alandzela, njenga-Abrahama ahleti ngaphansi kwelithende lakhe, naletiNgelosi leti tabonakala kuye.

⁹¹ Bachubekele entasi eSodoma naseGomora. Futsi sitfola kutsi Nkulunkulu, ngalolosuku, wenta imimangaliso. Wakhiphua umlilo etibhakabhakeni futsi watsanyela lidolobha, wase uhlanta live, wase ukunika konkhe ku-Abrahama. Futsi umkaLoti wagucuka waba sidvuli sasawoti, ngoba wabuka emuva, njengesikhumbuto selihlazo; lobekangudzadze lomkhulu emkhatsini wetinhlangano telidolobha, taseGomora neSodoma. Futsi tonkhe tigodzi tatsanyelwa tasuswa, ngesikhatsi Nkulunkulu enta lokungummangaliso ngemlilo nesibabule lesivila ezulwini.

⁹² Sikhatsi lesimangalisa kakhulu! Sikhatsi lesihle sekuphila! Nkulunkulu, ekubeni ngulonemandla onkhe! Nako kuvela emahlukana-migwaco futsi. (Ngicabanga kutsi ngicindzetelwe

sikhatsi, ngitodzingeka ngisheshise.) Nako kufika Lonemandla onkhe, Bukhona futsi.

⁹³ Kwakunemfo lokutsiwa ngu-Ahabi, washada intfombatane lekutsiwa nguJezebeli. Loyo, lobekalikholwa ekucaleni, Ahabi, watalwa aliJuda, wasokwa ngelusuku lwesiphohlongo, ngekwemtsetfo. Futsi wakhuliswa ekhaya lelikholwako, kutsi akholwe nguJehova, kodvwa watsandzana nalokunye kwentfo lokuncane lokunemehlo lamakhulu kwsikhonti tithico. Kunjalo.

⁹⁴ Futsi, namuhla, emadvodza lakahle langemaKhristu awele ngaphansi kwembhedvo lonjena nebulhatikhati, ngoba leyonhlitiyo beyisolo ingakatinti kuKhristu Jesu. Yebo. Lusuku lolunjeho pho lesiphila kulo, sikhatsi lesinje pho, tinsika tetibonakaliso tibuka lapha ebusweni.

⁹⁵ Kodvwa, ke, ngaphambi nje kwekutsi Nkulunkulu aletse lemancamu, kukhombisa kutsi kwakungubani Nkulunkulu, kwafika sikhatsi lapho khona kwafika umphrofethi eveni, ligama lakhe kungu Elija, lobekagcotjwe ngemlayeto waNkulunkulu. Futsi wenta lokungummangaliso futsi wafakazela kutsi loyo Lonemandla onkhe usolo unguNemimangaliso. Umprofethi wema ngephandle lapho futsi wawala emazulu, kutsi alinanga ngetinsuku tenkonzo yakhe. Futsi wehlisa timvula emazulwini wase uniketa umhlaba. Futsi tiNgelosi tabonakala enkhundleni, haleluya, tambhakela sinkhwa semmbila lesamgcina tinsuku letingemashumi lamane, aphila, ngesikhatsi asephumile alapho ehlane naNkulunkulu.

⁹⁶ Tingelosi tibonakala esikhatsini sekugcina. Bonkhe baprofethi netinsika tetibonakaliso kukhomba, kulolusu, kutsi tingelosi tiyobonakala, baprofethi bayovuka, tibonakaliso netimanga. Futsi uma Nkulunkulu enta lawo mahlukana-migwaco esikhatsi lamancane lapho, Utowenta njani manje lapho sihogo sikhululiwe na? Lonkhe liZulu liyokhululwa, tingelosi tibonakala, tibonakaliso netimanga emhlabeni. Tintfombumbulu tiyavuka. Nkulunkulu afakazela kutsi ngukuphi lokulungile nalokungakalungi. Amen.

⁹⁷ O, ngiyaMtsandza! Nginesiciniseko kutsi niyamtsandza, nani. Angikacondzi kunitsetsisa, kodvwa kushisa emphefumulweni wami, kucabanga, kutsi kwenteka kanjani kulolusu.

⁹⁸ Ngaphambi nje kwekutsi Abakhulule, Wenta tonkhe tinhlobo tetibonakaliso netimanga. Batfumela sicuku sebantu etulu lapho, kutsatsa lomprofethi ngekuphocelela. Watsi, "Uma ngiyindvodza yaNkulunkulu, akuvele umlilo ezulwini."

⁹⁹ Bukani kutsi lomlilo ufika kanjani sikhatsi ngasinye. Bukani kutsi baprofethi bafika kanjani sikhatsi ngasinye. Bukani kutsi lokungummangaliso wenteka njani sikhatsi ngasinye. Bukani kutsi Nkulunkulu utifakazela kanjani

Yena lucobo ekuphiliseni nasemandleni sikhatsi ngasinye, lakuphambana khona imigwaco, akake nakanye; lakuphambana khona imigwaco ngco, kumahlukana-migwaco, kushintja kwekuphelelwa sikhatsi, kushintja kwesikhatsi.

¹⁰⁰ Manje, kwemibhalo lembalwa yekuvala, bukisisani umzuzu. Sitohamba manje siye e—ekuhlukaneni lokukhulu kwemigwaco kwesihlanu, kune kwemahlukana-migwaco lamcoka, ngoba kwesihlanu *kusihlanu*, J-e-s-u. Amen. Kuta sikhatsi lapho umbuto wesono wawufanele ucatululwe. Kuta sikhatsi lapho khona longummangaliso ufanele atente Yena acondvwe ngalokuphelele. Kuta sikhatsi lapho tinhltiyo tebantfu tatifanele tiguculwe khona, ngoba imitsetfo nebehluleli, nakanjalonjalo, bangeke bakwente. Ingati yetinkunzi netimbuti yayingakhoni kucususa.

¹⁰¹ Futsi ngaphambi nje kwekutsi lokokwehlukana kwemigwaco lokukhulu kufike, nako kuphuma develi emkhatsini webashumayeli, watsi, “Tinsuku temimangaliso selwendlulile. Ayikho intfo lenjalo.”

¹⁰² Futsi, lesosikhatsi lesifanako, Nkulunkulu watfumela tiNgelosi emhlabeni. Kwakukhona indvodza lendzala entasi lapho leyayinendlu ngalokuhlelekile, ligama layo linguzakhariya. Bekakhuleka. Ngalelinye lilanga asese-altari, ajikitisa imphepho yakhe, enta kuncusela bantfu, lapho kwabonakala ngale ngesekudla sakhe, iNgelosi lenkhulu, ifakaza kutsi sikhatsi semahlukana-migwaco sasesondzele. Wamtjela kutsi bekatotala umfana, kumkakhe, lobekamdzala futsi sekagugile. Neligama lakhe liyoba nguJohane.

¹⁰³ Johane waphuma, atisho kutsi ungelokungummangaliso. Johane bekangumprofethi. LiBhayibheli latsi, Jesu watsi, cobo IwaKhe, “Akuzange sekube nemuntfu lowatalwa emhlabeni lonjengaye,” kwate kwaba ngulesosikhatsi. Haleluya! Ngani na? Bekangumprofethi, lomkhulu kunabo bonkhe lobekakhona kwate kwaba ngulesosikhatsi. Ngoba, loku kwakumahlukana-migwaco lokukhulu Nkulunkulu lakwenta nadaveli, ngesikhatsi tindlela tabo tiphambana, futsi lapho Bekatomhlubula futsi amemuke konkhe lebekanako. Haleluya! Johane bekangumprofethi.

¹⁰⁴ Gabriyeli bekayiNgelosi lapho, ibonakala kumahlukana-migwaco esikhatsi. Ludvumo kuNkulunkulu! Cishe iminyaka lengemashumi lamatsatfu nakutsatfu ngaphambi kwekutsi kwenteke, Nkulunkulu wacala sikhatsi siseshinengi, kubacwayisa ngaphambil kutsi emahlukana-migwaco esikhatsi abesondzele. Labangakhola bachubeka babababi kakhulu, futsi bakubukela phansi, futsi bacabanele kona, futsi batame kungabanjwa. Futsi, ekugcineni, babulala bonkhe lebebabatfumele, netinfo. Kodvwa Nkulunkulu

wachubeka kulokungummangaliso, ngalokufanako nje, ngoba Ungumninimandla. Ufanele akwente. UnguNkulunkulu.

¹⁰⁵ Bukani kutsi kwentekeni manje, njengoba senyukela kulesi—lesifundvo lapha. Njengoba senyuka, sibona Johane eta emfuleni, ashumayela. Ukutjela ngaLona lotako, lomkhulu kunaye; lotocala kushumayela. Emvakwesikhashana, kwavela longasingephansi kweMnininimandla onkhe Cobolwakhe, agocotwe emtimbeni lomuhle wenyama. Jehova Nkulunkulu lomkhulu watembula Yena lucobo eNdvodzaneni yaKhe, Khristu Jesu. Lonemandla onkhe wentiwa inyama wakha emkhatsini wetfu, wahamba emkhatsini wetfu. Haleluya!

¹⁰⁶ Lapho Ahamba eLwandle lwaseGalile, ngalobunye busuku, alele ngaleya, sikebhe lesidzadlana sashukunyiswa, Wenta kwangatsi Bekanganaki ngisho nekunaka. Bekakhatselse. Kodvwa kufika sikhatsi semahlukana-migwaco; lokutsite kwakufanele kwenteke. Wabeka lunyawo lwaKhe entsanjeni yesikebhe, wase ubuka etulu futsi watsi, “Kuthula. Utsi dvu.” Ngianitjela, yena kanye nje uMdali wemazulu nemhlaba walala kulesosikebhe, nemvelo yayifanele iKulalele. Uma Umninimandla onkhe akhuluma, lokungummangaliso kuyenteka. Amen.

¹⁰⁷ Lonebulephelo logcwele bulephelo, waya kuYe ngalelinye lilanga, watsi, “Nkhosi, Wena unga uma Utsandza, ungangenta ngihlanteke.”

¹⁰⁸ Umntsintsile, watsi, “Ngitokwenta. Wena hlanteka.” Futsi uma Lonemandla onkhe akhuluma, lokungummangaliso kuyenteka. Haleluya! Bulephelo bakhe banyakamalala, njengelilanga lindiza livela emvakwelifu. Impela. Lonemandla onkhe uyakhuluma.

¹⁰⁹ Utsembisile, kuletinsuku tekugcina, Kutsi Utophinze akhulume futsi. Ngesikhatsi uMnininimandla onkhe akhuluma, lokungummangaliso kuyenteka. Yebo, mnumzane.

¹¹⁰ Caphelani. Waphilisa labagulako. Wavusa labafile. Wavula emehlo etimpumphutse. Kwakuyini na? Afakaza kubantu kutsi emahlukana-migwaco kwakulapho. “NgineMandla ekubeka phansi kuphila kwaMi. NgineMandla ekukutsatsa futsi. Akukho muntfu lokususako kiMi.”

¹¹¹ Ngalelinye lilanga, kuJohane we 17, Wabuka etulu wase utsi, “Babe, li-awa selifikile.” Haleluya! “Emahlukana-migwaco alapha. Tonkhe tintfo setiphelile manje. Tonkhe tintfo tiyalungela. Esiphambanweni semigwaco sekufikile. Umhlaba wecwayisiwe. Ngibagcibile labaphostoli laba, futsi bente tibonakaliso netimanga. Sendlulile kulenzawo. Sahlanganisa emuva futsi nasembili. Sikhatsi sesilapha. Lesikhatsi sesifikile.”

¹¹² Mnaketfu, njengemshumayeli weliVangeli manje ekuseni, ngikhola kutsi uMoya loNgcwele, ukhuluma ngetindzebe temuntfu lofako namuhla, tebashumayeli labagcotjiwe,

bayakhuluma, "Sikhatsi sesifikile." Sikhatsi sesilapha, futsi Lonemandla onkhe uyaphendvula. Lokungummangaliso kuyenteka; kufanele; kumahlukana-migwaco.

¹¹³ Futsi, lapho, ngesikhatsi Sekacedzile lokungummangaliso, ngesikhatsi Lonemandla onkhe, Nkulunkulu atibonakalisa enyameni.

¹¹⁴ "Khuluma livi, Nkhosi, nenceku yami itophila. Inceku yami itoba... Itophila." Bekati. Leyondvuna yelikhulu yemaRoma beyati. Bekayindvodza ngaphansi kweliguanya, lebekati kutsi noma yini lebeyingaphansi kwakhe yayi... Noma yini layisho, bebafanale bakwente. Watsi, "Ngitsi kulendvodza, 'Wota,' futsi iyeta. Naleyondvodza, 'Hamba,' ihambe." Watsi, "Ngingumuntfu longaphansi kweliguanya. Futsi yonkhe intfo ingaphansi kweliguanya lami iyangilalela. Futsi, Nkhosi, angikafaneli kutsi Wena ungene endlini yami. Khuluma livi nje." Haleluya! Bekati, kutsi loyo nguLonemandla onkhe. Bekati ngesikhatsi Lonemandla onkhe akhuluma, lokungummangaliso kuyokwenteka. O, Hhe!

¹¹⁵ Nango Eme ethuneni laLazaru, akhala, njengemuntfu asenyameni yakhe. Mata watsi, "Nkhosi, kube nje Bewukhona lapha, umnaketfu ngabe akafi. Kodvwa ngisho namanje, uMnininimandla onkhe, khuluma! Noma yini Loyicela kuNkulunkulu, Nkulunkulu utokwenta. Noma yini Loyishoko, Utoyenta." Lapho, Wahamba waya ethuneni.

¹¹⁶ Lonemandla onkhe, abonakaliswa lapha emkhatsini wetfu, aphiла natsi. "Nkulunkulu, kuKhristu, wabuyisela live kuYe lucobo." Lapha Bekahlala natsi, Nkulunkulu atifakazela Yena lucobo ngeNdvodzana yaKhe, Khristu Jesu. Bekangumninimandla futsi angulokungummangaliso kakhulu.

¹¹⁷ Futsi uma Anguye itolo, namuhla, naphakadze; futsi Watsi, "Angiyuze ngikushiye. Angiyoze ngikushiye. Ngiyoba nawe kute kube sekupheleni kwemhlaba." Singakubuka njani lokunye kuphela, uma Akhuluma, kutsi lokungummangaliso yenteke na? Singa lindzela njani lokunye na?

¹¹⁸ Ngako nangu Ahamba, ehlela ethuneni, akhala. Futsi Lonemandla onkhe Watibusa, futsi Wakhuluma. "Lazaru, phuma!" Nendvodza lebeseyivele ibolile; imphumulo yayo yase iwile ebusweni bayo, etinsukwini letine. Timphetfu tesikhumba tase tingenile. Kubola kwamati iNkhosi yako. Haleluya! Ubuyisa kuphila kwalomuntfu lofile. Futsi umuntfu lowake wafa, wema ngetinyawo takhe waphindze waphila. Lokungummangaliso!

¹¹⁹ "Ngikuvuka nekuPhila," kusho Nkulunkulu. "Loyo lokholwa ngiMi, noma besafile, noko utawuphila. Futsi naloyo lophila akholwe ngiMi angeke afe."

¹²⁰ Khuluma, Lonemandla onkhe! Lokungummangaliso kutokwenteka. Futsi uhlala akwenta kumahlukana-migwaco.

Futsi sisemahlukwaneni emgwaco. Tfuseka uma ubona letintfo tenteka. Sisesikhatsini sekugcina.

¹²¹ UMnirimandla onkhe uyakhuluma, nendvodza lefile, ifile, yaphila futsi; wema ngetinyawo takhe, futsi waya edzilini futsi wadla sidlo sakusihlwa naYe. O, hhe! Kwentekani na?

¹²² Ngalelinye lilanga lenkhatimulo! Sonkhe tsine lesake safa esonweni nasetiphambekweni; Lonemandla onkhe wakhuluma. Sasiya esihogweni, futsi Lonemandla onkhe wakhuluma. Sivukile esihogweni, saya eNkhatimulweni, futsi ngalelinye lilanga siyodla Sidlo sakusihlwa selidzili ngelusuku lwekugecina. Lonemandla onkhe uyakhuluma. Livi laNkulunkulu lingumninimandla. SiyaLikholwa, futsi lavuka ekufeni laya ekuPhileni.

¹²³ “Loyo lova emaVi aMi futsi akholwe ngiMi, noma besafile, noko utawuphila. Nomangubani lophilako futsi akholwe ngiMi angeke afe.” Lonemandla onkhe!

¹²⁴ Sinjenga Nowa, akhela umkhumbi khashane. Lokungummangaliso kutokwenteka ngalelinye lilanga uma Luhlwitfo lufika kanye naJesu abuye. Sisemahlukwaneni emgwaco. Uma nibona letintfo leti tenteka, phakamisa inhloko yakho, kuhlengwa kwakho kuyasondzela. UMnirimandla onkhe uyakhuluma utsi lokungummangaliso kuyentiwa.

¹²⁵ Watsi, “Sisemahlukwaneni emgwaco, Babe. Ngifanele ngifikazele kutsi Ungubani.” Futsi Wavusa labofile. Waphilisa labagulako.

¹²⁶ Ngesikhatsi li-awa ekugcineni selifikela Yena kutsi ahambe, Wahamba ngekutitfoba waya esiphambanweni futsi wabetselwa lapho, anekwe tandla. Bekangesiye weliZulu; Waliwa liZulu. Waliwa emhlabeni. Emvakwekutsi bantfu babone tibonakaliso netimanga Latenta, baMhleka futsi baMhhlatisa; leli lelinesono live lelingamesabi nkulunkulu lesono. Kodvwa njengoba kwehlulela kwamphakamisa, kwaphakamisa lomkhumbi, kwehlulela kwemanti; wentanjalo naJesu, nekwehlulela kwaNkulunkulu kwatfululelwta etikwaKhe. Wafa esikhundleni setfu, futsi waphakanyiswa.

¹²⁷ Nelikholwa liphumule kuYe, njengaNowa emkhunjini. Kwehlulela akushanye, kwenta mehluko muni na? Impela. Ini na? Ini na? Ngisho nekuva lucobo lwako akunamicabo, akunatinhlungu. “O kufa, luphi ludvonsi lwakho na? Thuna, kuphi kuncoba kwakho na?” Akungisabisi kutsi ngendlule indzawo yemathuna. Ngingamemeta tindvumiso taNkulunkulu, ngoba ngiyati, futsi ngibe ngulophilako kuYe kute kube phakadze. Impela.

¹²⁸ Lonemandla onkhe sewukhulumille. Ukhulume nenhlitiyo yami. Ukhulume nenhlitiyo yakho, lolokungummangaliso kwentiwa. Ngake ngaba soni lesiluwala lesincane, mhlawumbe i...njengoba wenta, sidzakwa, noma lobhema ligwayi,

noma logijimela emidansweni futsi achubeka kanjalo. UMninizimandla onkhe ukhulumile, futsi wakwemukela, futsi lokungummangaliso kwentiwa; futsi wantjintja usuka ekufeni waya ekuPhileni, futsi washiya tono takho! . . .? . . . Lonemandla onkhe ukhulumile, nalokungummangaliso kwentiwa. Impela.

¹²⁹ Kunebantfu labahleti kulelibandla, manje ekuseni, eminyakeni lembalwa leyendlulile bekaboshwe ngumdlavuza, afa. Kunalabo labahleti lapha, labakhubatekile futsi nalabachutako, labangakhoni kuma futsi nalabomile. Futsi Lonemandla onkhe ukhulumile, nalokungummangaliso kwentiwa. Impela. Noma kanjani. Yini sibonakaliso na? Sisemahlukwaneni emgwaco. Sisesiphambanweni semigwaco manje. Silungiselela kungena esikhatsini seminyaka leyiNkhulungwane.

¹³⁰ Manje bukisisani, senyukile. Futsi ngesikhatsi benta, ngesikhatsi baMphanyeke emkhatsini wemazulu nemhlaba, Lizulu alikhonanga kuMemukela, sono selive sasibekwe etikwaKhe. Neline laMencaba, njengeNkhosi yabo. Yayingekho indzawo leyayishiyelwa Yena kutsi afe. Bekangeke ete eZulwini, ngoba Bekenetono telive etikwaKhe. Watondvwa futsi wedzelelwa, futsi wakhafunelwa, futsi waliwa futsi wala umhlaba. Kodvwa Wema emkhatsini wemazulu nemhlaba, wase wenta libhuloho lendlela. Futsi wonkhe wesilisa noma wesifazane lofisako, angeta ngalowomtfombo weNgati eluhlangotsini lwaKhe, aye eNkhatimulweni. Lonemandla onkhe!

¹³¹ Kwentekani na? Tibonakaliso netimanga tenteka. Kwentekani na? Inyeti yacala kukhala. Lilanga lavala emehlo alo futsi lacala kukhala tinyembeti. Futsi laba sekukhatsatekeni, late lachachatela, futsi lagucuka kwangatsi lintfontsa ingati. Impela, kwakwenta. Ngesikhatsi babona uMdali wemazulu nemhlaba, aliwa ngumhlaba. Futsi, sono lesingaka, Bekangeke angene eZulwini; futsi afa njengemlamuli emkhatsini waNkulunkulu nemuntfu, eme emkhatsini wemazulu nemhlaba.

¹³² Lilanga alikhonanga kukumela, latsi, "Angisayuphindze ngikhany," ngako labuyela emuva. Tinkhanyeti tatsi, "Angikwati kubuka loku." Ya. Umhlaba watsi, "Ngingeke ngikumele," futsi wabanekuphelelwa ngemandla kwemizwa, futsi wabhodla emadvwala aphuma emhlaben. Lokungummangaliso kwenteka! Kwakukuntjintja kwesikhatsi, kwakukuphela kwemgwaco, sono sasibusile, kwaze kwaba siphambano, kodvwa sono sabhadalelwa lapho. O, hhe! Nemhlaba watamatama kamatima kangangekutsi waphonsa emadvwala aphuma emhlabatsini wawo, noma alenga emagcumeni. Washukumisa ngisho kamatima kangangekutsi labafile bavuka baphuma ethuneni. Ukhuluma ngekuphelelwa ngemandla kwemizwa! Futsi nelilanga lacala kuba

nekuchachatela, futsi lacima. Lokungummangaliso kwenteka! Haleluya! Uhlala enta njalo kumahlukana-migwaco.

¹³³ Bukani kutsi kwentekeni kuloko, futsi loko kwakulungiselela loku kuphela. Baphuma bangena eminyakeni yetikhatsi tebumnyama, iminyaka lengemakhulu lalishumi nesihlanu. (Ngifisa kwangatsi ngabe besinesikhatsi, kodvwa siyacindzettelwa. Ngifuna kuphuma ngensimbi yelishumi nakubili.) Futsi caphelani, loko, kuta kwendlula lapho neminyaka yebumnyama. Ngifisa kwangatsi ngabe besinesikhatsi sekungena esikhatsini, lokwenteka ngesikhatsi sa Wesley na Luther, leso sikhatsi sesitfupha, kutsi kwabakhona ingucuko lelikako, ngesikhatsi libandla likhululwa ebumnyameni futsi waletfwa ekukhanyeni lokusimangaliso kweli Vangeli futsi. Tibonakaliso netimanga! O Nkulunkulu, kutsi akukho muntu lowema, nekuphilisa kwaNkulunkulu netibonakaliso netimanga letenteka. Futsi kwakusemkhatsini wemhlatjelo nekuBuya kwesiBili, futsi bukani kutsi kwentekeni ngalesosikhatsi. Ngesikhatsi John Wesley ashumayela liVangeli, wakhahlelwa wakhishwa emabandleni netintfo, baze bantfu bawela phansi esiyilweni, futsi batsela emanti ebusweni babo. Ngangingati kutsi kwakuyini indzaba ngabo, baculeka ngaphansi kweMandla aMoya loNgewele. Tibonakaliso, netimanga, nemimangaliso, nekuphilisa lokunengi, kwenteka.

¹³⁴ Manje, mnaketfu, dzadze, lalela. Kwentekani manje? Sisesikhatsini sekugcina. Sitongena esikhatsini seminyaka leyiNkhulungwane; sonkhe sandla sikhomba ngaleyondlela. Liwashi lelidzala lishayela kwendlula, kucishe semizuzu lemibili kube sekhatsi nebusuku. Lonemandla onkhe uyakhuluma. Tingelosi tiyabonakala. Baprofethi bayeta. Baprofethi bayaprofetha. Imibono itfululelw etikwalabobantu balolusuku. LiVangeli liyashunyayelwa. Labagulako uyavuswa. Timphumphutse tiyabona. Tihhulu tiyeva. Emadimoni ayadlanga. Balingisi, Janesi naJambresi, balapha. Kodvwa, Lonemandla onkhe uyakhuluma. Haleluya! Siselusukwini Iwekugcina. Sikumahlukana-migwaco.

¹³⁵ “Tinhltiyo tebantfu tehlulwa kwesaba; kudideka kwasikhatsi; lusizi emkhatsini wetive.” Umhlabu uba neluvalo kakhulu sewuze uchuma kutamatama kwemhlabu ndzawo tonkhe. Jesu watsi kuyoba ngaleyondlela. Kuyoba nekutamatama kwemhlabu etindzaweni letinengi. Yini indzaba na? Umhlabu uyati kutsi ulahliwe. Uyesaba. Live liyesaba.

¹³⁶ Kodvwa liBandla ligibebe eVangelini. Kungaleyondlela ngekuphepha. “Loyo lota kiMi, Angiyuze ngimlahlele ngephandle.” Haleluya! “Uma umuntfu angakatalwa ngemanti neMoya, angeke angene eMbusweni.” EMBusweni, uneluphawu IwaNkulunkulu Iwekuvumela, Moya loyiNgewele enhlitiywensi yakho. Uvumela emagagasi ahambe lapho afuna khona. Tikhatsi setiba kabi. Lonemandla onkhe uyaphakama. Balingisi batama

kutiphatsisa kwako. Nato tonkhe tinhlobo tetintfo, batama kwenta loku.

¹³⁷ Futsi liBhayibheli latsi, lowomlingisi lomkhulu wekugcina uyovuka ngaleya futsi ahiale emagcumeni lasikhombisa. Bekafaka umchele lokatsatfu. Futsi utoniketa emandla, futsi bekanemandla, kangangoba enta umlilo wehle ezulwini, ebukhoneni balabantfu. Uyokwenta konkhe kwaloko, konkhe kwaloko elusukwini lwekugcina.

¹³⁸ Nekutsi bebayokuma kanjani futsi balingise bantfu, bakhotsamele tindzawo tekukhontela letibantfu labafile, futsi nakokonkhe, futsi bashikisha ematsambo utsi nakokonkhe. Kodywa, basashikisha ematsambo futsi bakhotsama etindzaweni tekukhontela, Lonemandla onkhe uyakhulumta futsi nalokungummangaliso kuyenteka. Batsi, “Sicuku sembhedvo.”

¹³⁹ Kodvwa liBandla liyakhula, timvuselelo letinkhulu tekuphilisa setiphelile eveni lonkhe. Tibonakaliso netimanga tiyahamba ndzawo tonkhe. Tingelosi tibonakala kubantfu. Tibonakaliso nemimangaliso kulapha. Kuyini, mngani? Sisesikhatsini sekugcina. Sikumahlukana-migwaco. “Phakamisa inhloko yakho,” Watsi, “kuhlengwa kwakho kuyasondzela.” Niyabona kutsi ngicondze kutsini na? Sikhatsi semahlukana-migwaco.

¹⁴⁰ “Futsi kuyofezeka,” kusho Nkulunkulu, “etinsukwini tekugcina, Ngiyotfulula uMoya waMi. Emadvodzana nemadvodzakati enu ayoprofetha,” baprofethi betsembisa. “Tinsizwa tenu tiyobona imibono. Futsi ngiyoveta timanga emazulwini ngetulu,” emasososo landizako nayo yonkhe intfo. “Kukhatsateka lokukhulu; umhlabu uyotanyatanyiswa ngetindlela letinengi . . .” Kutamatama kwemhlaba lokukhulu kutobe kuta, netintsabamlilo letinkhulu tiyokwenteka, nenkhatsato lenkhulu, lusizi emkhatsini weliive. Tive tiyotama kutfola kuthula, ngemukhwa ngemuva kwato. Kutoba nenkinga kukokonkhe, tonkhe letintfo. Futsi bantfu batokhula babe ngulababi futsi babe ngulababi.

¹⁴¹ “Futsi uma sitsa singena njengesikhukhula, ngitophakamisa lizinga kumelana naso,” uMoya waNkulunkulu. Sikhatsi semahlukana-migwaco! Kuphela kwemgwaco. I-Africa iyabhodla nemhlangano lomkhulu wekuphilisa. Netibonakaliso netimanga tivela, umhlabu wonkhe jikelele, ndzawo tonkhe. Kuyini na? Sikhatsi semahlukana-migwaco. Sikhatsi sekugcina.

¹⁴² Tinkalishi letite emahhashi “tingcundzana emgwacwensi lobanti.” Tonkhe letintfo leti letehlukene Washo. “Emadvodzakati aseSiyoni, kutsi agcoka kanjani futsi ahamba.” Kutsi kutsandzana kwebulilibunye futsi nalokuhlukene kuyovela; kanjani, imphendvuketelo, “bantfu batonikelwa emandleni ekweduka,” nato tonkhe tintfo letinjengaloko.

Kutsi bayoba kanjani “ngulabanemawala, labakhukhumele, labatsandza injabulo kunekeutsandza Nkulunkulu; labephula tivumelwano, bakhapheli.”

¹⁴³ Futsi ngalolunye lwaletinsuku leti, mnaketfu lotsandzekako, Jesu utokuta. Nalabo lababetsela bakhweshe, kuloko labakubita nge “buhlanya” namuhla, kukholwa eVangelini leliyifashini lendzala laKhristu, neMninimandla onkhe akhuluma, kwenteka lokungummangaliso!

¹⁴⁴ Watsi, “Letibonakaliso leti tiyobalandzela labakholwako. NgeliGama laMi bayokhipha emadimoni, bakhulume ngetilimi letinsha; noma baphatse tinyoka, noma banatse lokubulalako, angeke kubenengoti kubo; Uma babeka tandla tabo etikwalabagulako, bayosindza.” “Letintfo leti lengitentile, kanjalo nani nitotenta. Ngitoba nani njalo, kute kube sekupheleni.” “Uma letintfo leti ticala kubonakala, phakamisa inhloko yakho, kuhlengwa kwakho sekuyasondzela.”

¹⁴⁵ Niyalbona, bangani, njengoba kwakunjalo nje etinsukwini taNowa, ekufikeni kweNdvodzana yemuntfu. Kunjalo naselusukwini lwekuhlengwa lwa-Israyeli. Ngako kunjalo ngeNdvozana yemuntfu lesesiphambanweni. Sisemahlukwaneni emigwaco. Nkulunkulu uhlala akhombisa lokungummangaliso, wenta tibonakaliso nemimangaliso, uphilisa labagulako, uvusa labofile, akhiphe emadimoni, umoya lomkhulu wemvuselelo; tibonakaliso ezulwini, nasemhlabeni; kuhlupheka emkhatsini wetive. Sikumahlukana-migwaco.

¹⁴⁶ Yini intfo lelandzelako na? Jesu Khristu uyobuya futsi kwesibili, enkhatimulweni, kwemukela bonkhe labo labofile kuKhristu futsi baphile kuNkulunkulu. Nkulunkulu uyoletsa wonkhe umuntfu kanye naYe. Nalabamnene bayokudla lifa lemhlaba, nesikhatsi lesikhulu seminyaka leyiNkhulungwane siyongena. Futsi ngeke tisabakhona timpi. Batobeka tibhamu tabo, futsi babumbe...bafake tikhali tabo tibe mahhuka ekutsena tihlahla kanye netikali telikhuba, futsi nalokunjalo. Futsi sive ngeke siphakamisele lesinye sive inkemba futsi. Ngeke futsi kusaba khona nekugula, kungasabi khona netinkinga, kungasabi khona nebuahlungu benhlitiyo. Kodvwa Lapho siyophila, eBukhoneni baKhe lapha, ingunaphakadze naphakadze.

¹⁴⁷ Futsi, tonkhe letibonakaliso leti netintfo, sikumahlukana-migwaco. Sisemgwacweni lophelako.

¹⁴⁸ Ngijabula kakhulu namuhla kwati loko, kuKhristu Jesu, ngisimise umphefumulo wami endzaweni yekuphepha. Ngijabula kakhulu kubona Nkulunkulu, eVini laKhe lelingcwele, enta futsi aniketa tibonakaliso netimanga. Nekwati kutsi, namuhla, embikwelibandla lami lelincane lapha, kutsi ngikhone kusho loku, njengoba Ngenta ngaphambi kwekutsi ngihambe esikhatsini lesendlulile. Nitowabona

lamakhulu, eMandla alohloniphekile Nkulunkulu somandla kulongumninimandla onkhe, eMandla alokungummangaliso loko kutokwenta lokukhulu kakhulu impela, ngetulu kwako konkhe lesake sakucabanga noma sakukholwa. Futsi emnyango ngco manje. Futsi niyakubona kugewaliseka, emnyango welibandla lenu lapha.

¹⁴⁹ Ngako, bangani bami labancane labatsandzekako, ungayekeli kuKhristu. Philela Yena, ngesiphambano. Phakamisani tinhlitiyo tenu, futsi nibeke tandla letingcwele kuNkulunkulu. Futsi uma libandla, noma yini, licala *ngalendlela*, *leyondlela*, noma bantfu bakhulume noma basho *loku*, ningakunaki. Gcina tinhlitiyo tenu tihlome esiphambanweni naKhristu, futsi niphilele Yena. Nkulunkulu akakuphe kona. Sisemahlukwaneni emigwaco, lakuphambana imigwaco khona.

¹⁵⁰ Singakhotsamisa tinhloko tetfu umzuzwana nje, sentele livi lemkhuleko. Ngifuna lodzadze adlale leliculo lelidzala lelihle, *LuKholo Lwami Lubuka Etulu KuWe*, 189...-84, sisesemkhulekweni. Angati noma...netinhloko tenu tikhotseme.

¹⁵¹ Sisemahlukwaneni emigwaco, mngani. Silapho. Tonkhe letintfo leti, lemphendvuketelo emkhatsini webesifazane nebesilisa, lolusizi lolukhulu lenilubonako, kuyini na? Ngikufakazele ngeLibhayibheli. Bekusolo, sonkhe sikhatsi, emahlukana-migwaco. Akukake *ngaphambi* emgabancweni; sonkhe sikhatsi emahlukwaneni emigwaco. Ngaphambi nje... Niyabona, bantfu uhambile manje. Baphambukela esayensini yetenkholo. "Futsi tinsuku temimangaliso selwendlulile." Niyabona na? Niyabona bawkwenta kuwowonkhe lomunye umnyaka.

¹⁵² Kodywa ngaphambi nje kwesikhatsi sekugucuka, Nkulunkulu wehla angulonemandla onkhe futsi wenta lokungummangaliso. Kungako bantfu bakhuluma ngami futsi basho letintfo labatentako. Kungako bakhuluma ngawo onkhe emaKhristu lakukholwako loko.

¹⁵³ Kodvwa niyabona kutsi kwentekani kubo emuva lapho, labakholwa na? Bebaukelekile. Abrahama bekaphophile ngangoba bekangabanjalo. Amen. Bekanjalo naMosi; akukho tinhlupheko letamkhatsata noma Israyeli. Kanjalo futsi akuzange kumhluphe Nowa. Enoki wakhushulwa ngaphambi kwekutsi kuke kwenteke, wema etibambelelweni tetitebhisi teNkhatimulo, akubukela kuchubeka.

¹⁵⁴ Uma ulapha manje ekuseni, ngaphandle kwaKhristu, wati kutsi umphefumulo wakho awukalungi, nisakhotsamise tinhloko tenu. Ngifisa kwangatsi beningakwenta, kuNkulunkulu. Angati kutsi ngiyoke ngikhulume nini nani futsi. Kodvwa sisemahlukwaneni emgwaco. Uma ufuno

kukhunjulwa emkhulekweni, kuNkulunkulu, ungasiphakamisa nje sandla sakho kuYe manje na? Nkulunkulu akubusise, mnumzane. Nkulunkulu akubusise, mnumzane. Wena, wena. Yebo, Nkulunkulu akubusise. Labanengi benu, emadazini etandla.

¹⁵⁵ Manje nisakhotsamise inhloko yenu, sifuna libandla kutsi lihamishe loku. Uma ufsa, sine altari levulekile lapha, wota unikele nje livi lemkhuleko kanye nami, kuNkulunkulu, lemphefumulo wakho. Ngitojabula kukwenta, ngikhuleke nani.

Lukholo lwami lubuka etulu kuWe, (Akukho lutfo lolunye ngaphandle kwaKho.)

Wena Wundlu laseKhvalvari,
Msindzisi webuNkulunkulu;
Manje ngive ngisakhuleka,
Susa sonkhe sono sami,
O akutsi mine kusukela namuhla
Ngibe waKho wonkhe!

Kwangatsi umusa waKho locebile . . .

¹⁵⁶ Niyakhuleka na? Ngabe niyaMcela kutsi abenemusa kini na? Phendvukani, mngani losoni. Khona manje Mnikeni imphilo yakho.

Vuselela kushisekela kwami;
Njengoba Wena wangifela,
O kwangatsi lutsandvo lwami Kuwe,
Lolumsulwa, lolufutmeme nalolungagucuki,
Ngumililo lophilako!

Ngesikhatsi atfola lelinye livesi, asibeni semkhulekweni manje.

¹⁵⁷ Babe loseZulwini, yebo-ke, asisilutfo kangako, kwekucala nje, Nkhosi. Sita lapha nje ngoba Wasikhuluma sabakhona. Wasondla futsi wasigcina. Tsine lesiKwemukele, sibonga kakhulu, Nkhosi, kwati loku; kutsi ngalelinye lilanga siyoguculwa, lomtimba lomdzala lonyanyekako wekuhlekisa lesiphila kuwo, uyoguculwa futsi ulingiswe futsi wentiwe njengemtimba waKho. Siphumule ngekuphepha kulomphongolo.

¹⁵⁸ Futsi ngeLivi laKho, manje ekuseni, ngaMoya loyiNgcwele, Uletse kubantfu sigcobo sekubonakalisa. Sisekugcineni, kugucuka. Tibonakaliso netimanga tiyavela, tintfo letinkhulu tenteka. Siyati, Nkhosi, kutsi sisekugcineni. Kungako letintfo leti tilapha. Cishe impela noma ngasiphi sikhatsi, sitobona iNkhosi ita.

¹⁵⁹ Futsi, Nkulunkulu, Ngiyakhuleka, Wena wati tinhltiyo talabantfu. Ngibaniketa lesiphlo, lesimemo. Bangeta, Nkhosi, baMemukele manje. Wena watsi, "Loyo lota kiMi, angeke ngize ngimalahlele ngephandle. Loyo lova emaVi aMi, futsi

akholwe Nguloyo loNgitfumile, unekuPhila lokuphakadze, futsi akasayi ekwahlulelweni; sewuvele wendlulele ekuphileni lokuphakadze.”

¹⁶⁰ Ngiyakhuleka, Babe, Utosebentana netinhlitiyo tebantfu namuhla. Ngingabaniki kuncenga; ngikholwa kutsi lusuku lwaloko selwendlulile. Lokuncane nje Lonako lokusele, Nkhosi, bete basencondvweni, bacabangisisile, etikwekuvuma kwabo, bakhola, bemukela Khristu, futsi batisho kutsi Nkulunkulu sewufike enhlitiywani yabo futsi wakhuluma. Ngiyakhuleka, Nkulunkulu, uma Unconcotse etinhlitiywani ngaphambili, kutsi loku kutoba kuncconcotsa futsi namuhla. Uma kukwekugcina, kunikete, Babe. Livi Lakho liliCiniso. Siwetfulela Wena, manje, Nkhosi, kutsi uMoya loyiNgewe manje utosebentana nayo yonkhe inhlitiyo, sisahlabela livesi lekugcina.

¹⁶¹ Tinhloko tenu tikhotseme. Uma ufisa kuta e-altari kutsi ukhuleke, mngani losoni, wota manje, njengoba wemukela Khristu. Noma wena lohlubukile, wota khona manje futsi ume e-altari. Sitokhuleka nawe ncgo. Kulungile.

...kudideka kwebumnyama ngikunyatsela,
(Nguloko lokwentako.)
Netinsizi letingihacile tandza, (Kufa, kugula.)
Nkhosi, bani nguMholi wami Wena; (O
Nkulunkulu!)
Yala bumnyama bube lilanga,
Sula tinyembeti tekudzabuka,
Ungangivumeli nanini ngiduke
Ngisuke eceleni kwaKho.

¹⁶² Tinhloko tenu tikhotseme. Mnaketfu Wood, ngifuna uphakamise inhloko yakho umzuzu. Mnaketfu Cox, wena kulesakhwi, neMnaketfu Fleeman? Ngifuna uphakamise inhloko yakho, nine madvodza nje. Niyabona kutsi Nginitjeleni na? “Ngicinisile, ngicinisile Ngitsi kini, kutsi, umphrofethi aseveni lakhe, kubakhe.”

¹⁶³ Manje, lolungile wetfu, Babe loseZulwini, setfula loMlayeto kuWe, Nkhosi, letotimbewu tihlanyele ekhatsi nekujuila etinhlitiywani talabantfu; kutsi ngalelinye lilanga lenkhatimulo, Jesu uyofika, futsi atfole bonkhe labangewe. Lokukutsi, Utokwenta, futsi wonkhemuntfu utohlwitfwa futsi ayiswe eNkazimulweni. Futsi kuyoba lusuku lolunjani lwekfokota, lapho Jesu iNkhosi yetfu abuya! Siyacondza kutsi sibonga kakhulu kutsi siphila kulolusuku.

¹⁶⁴ Futsi, Nkulunkulu, ngiphendvuka kuyo yonkhe intfo, nekwati kutsi besingeke siphile kitsi lucobo, Nkhosi, kodvwa si—sitoni, kwekucala nje. Futsi nsuku tonkhe, ngetsema kuWe, ngati kutsi malanga onkhe ngiyona, ngati kutsi tintfo temalanga onkhe tenteka kimi nasemphilwani yami, kutsi Ungeke utfokotiswe ngato. Futsi ngivuma liphutsa lami futsi

ngemukele Wena, Nkhosi yami, njengoba umphefumulo wami lucobo ulele e-altari, manje ekuseni, kulelitabernakeli lelincane, ukhotsama lapha, Nkhosi.

¹⁶⁵ O Nkulunkulu, ngiKwehlulekisile emuva ngaley, naletotiphiwo tebuNkulunkulu, njengoba Wakhombisa ngalokumangalisako kakhulu ngaley, ngalolobunye busuku. Futsi ngiyacolisa. Ngiphendvukile kuWe, embonweni. Futsi manje ngesekudla sami... Kulelizinga lengiphila kulo manje, ngiyaphendvuka kuWe, Nkhosi yami, futsi ngicele Wena kutsi Utongitsetselela, futsi utongisita. Nangemusa waKho, kutsi Sewuvele ungitjele kutsi letintfo leti tatitokwenteka esikhatsini lesitako manje. Ngekwati kutsi bato, ngako-ke, Nkhosi, ngicela kutsi Ungcwelise umphefumulo wami nenhlitiyo yami, njengoba ngikunika Wena.

¹⁶⁶ O Nkulunkulu, ungatamatamisi umhlabu kuphela, kodvwa emazulu futsi. Nkhosi, asihambe siye emasimini ngaley, lapho tigidzi tilindzile khona, Nkhosi, futsi balamba futsi boma, futsi bakhala futsi bacela, nemahedeni afa ebumnyameni.

¹⁶⁷ O Nkulunkulu, nyakatisa lesikhulu, sive lesinebuphingi sase-Melika, lowele ebuwuleni, neSodoma futsi neGomora yesimanje. “O wena ndvodzana yekusa, ufile kanjani kutsi wehle na?” “Bewugijima kahle; kwentekeni kuwe na?” Kodvwa, O Jerusalema, Jerusalema, Bekatsandza kangakanani kukufukamela! Futsi kunjalo neMerica namuhla, njengoba uMoya loNgcwele ukhala enhlitiyweni yami, “Kukangakhi lapho bengingenta khona sibane lelivutsako esiveni futsi nasemhlabeni wonkhe! Kodvwa, nemukele iHollywood, nemukela emafashini elive. Futsi manje sewunikelwe kuJanesi naJambresi. Nekutsi lusuku lwakho—lwakho selufike kanjani! Kutsi lendvodza lenemandla ilitsanyeleye kanjani live, kutsi bahlanganise kuloko labebakutfola, futsi manje Uyadvonsa futsi uyesuka uye kuletinye tive.” O Nkulunkulu, uhleti emlotseni wemonakalo wakhe. Uhleti emgcomeni wakhe webukhatikhati. Futsi ngalelinye lilanga lenkhatimulo, iNdvodzana yaNkulunkulu, ekulungeni kwaKhe lokungcwele, iyokwembulwa eZulwini, khona-ke siyokuma kuphi na?

¹⁶⁸ O Nkulunkulu, siphe namuhla kutsi tinhltiyo tetfu tictiniswe kuWe. Sitsetselele tono tetfu letinengi. Futsi, Babe, busisa labafundisi laba labalapha manje ekuseni, bashumayeli beliVangeli. O Nkulunkulu, kwangatsi bangaphuma namuhla naloMlayeto enhlitiyweni yabo, futsi ngatsi, “Ngiyasibona sikhatsi sekuphela, libhodi letimpawu. Futsi nguyati kutsi sisekwahlukaneni kwemigwaco, futsi nguloko lokungako. Ngimangele kutsi kungani inhlitiyo yami yayinjalo, beyisolole yiyakatiswe kakhu lu kuleminyaka lembalwa leyendlulile. Yebo, Nkhosi. Yebo, Nkhosi.” Kwangatsi bangakubona.

¹⁶⁹ Kwangatsi emehlo abo angavuleka, bacalata lapha bese batsi, "Yebo, naku ke, ngibona tonkhe letintfo letimbi titibonakaliso." Titimphawu letingetulu kwemvelo tesitsa. Leni, wenta imimangaliso lemikhulu. Wenta tintfo letinkhulu, kangangokuba wenta umlilo wehle uvela ezulwini. Yebo, banemasathelayithi umhlaba wonkhe jikelele. Futsi—futsi titintfo temvelo, sitsa siletsa tibonakaliso temlilo; futsi nakokonkhe lokunye, inyeti yemanga futsi nelilanga lemanga, futsi natotonkhe tintfo tabo.

¹⁷⁰ Kodywa, Nkulunkulu, Watsi kuyoba netibonakaliso etulu lapho, futsi, kutsi abacondzanga, futsi siphilela kukubona. Ngibonga kakhulu, Nkhosi, ngibonga kakhulu ngaKhristu. Futsi ngikhulekela kutsi Utokwenta, ngenceku yaKho letfobekile... Tinyembeti tekutisola etihlatsini tami, Nkulunkulu, ngnikela imphilo yami kuWe, kabusha namuhla. Futsi Ungangisita yimi mine, Nkulunkulu lotsandzekako, kutsi nghilale ngitfobekile, futsi ugcine ngakimi emadvodza latfobekile latokukhonta Wena, Nkulunkulu lotsandzekako, futsi ngitokwenta imisebenti yaNkulunkulu kute, Jesu, Uvumele kufa kungikhulule kulelitarbanakeli lekuhlazeka. Bese-ke, Babe, ngifuna kuba naWe.

¹⁷¹ Busisa lelibandla lelincane lelitsandzekako. Nkulunkulu, busisa umelusi wetfu lotsandzekako lapha, uMnaketfu Neville, umngani wetfu lesimtsanzako lome lapha kutsi kuyabandza noma kuyashisa, kutsi kulula noma kumatima, futsi ube usolo utisho kutsi leliVangeli lelimsulwa leNkhosi Jesu. Nkulunkulu, ambusise nemkakhe lomncane nebantfwana. O Nkulunkulu, kwangatsi angashisa liVangeli lingene etinhlitiyweni tebantfu, aze Jesu abuye. Mbusise. Nkulunkulu mniike emandla lamakhulu. Siyamtsandza futsi siyati kutsi uyindvodza letfobekile futsi uyaKusebentela. Futsi ngiyakubonga ngaye, Nkhosi, kutsi umshiye nalo—nalomhlambi wetimvu lomcane lapha, Lengike ngaba nawo lapha. Futsi, Nkulunkulu, ngiyakhuleka nje kutsi Utomsita kutsi angenise letinye letinengi timvu esibayeni. Siphe kona.

¹⁷² Kwentele loko wonkhe umfundisi lokhona. Futsi akusiko lapha kuphela, Nkhosi, kodywa emhlabeni wonkhe jikelele, ngoba siyati kutsi lusuku luyadzinga. Tibonakaliso tilapha. Develi sewuhambile cishe, njengelibhubesi lelibhodlako, kumangalela lokungemanga, nekulingisela, futsi, kodywa, Nkulunkulu, Uphakamisa lizinga kumelana nako, ngaMoya loNgcwele, futsi siyabonga. Manje sibusise, kanyekanye.

¹⁷³ Futsi namuhla, Babe, njengoba siya ekukhulekeleni labagulako, kwangatsi Ungaggcoba wonkhe umfundisi ekhatsi lapha, kabusha. Siphe kona, Nkhosi. Futsi kwangatsi lonkhe likholwa ekhatsi lapha lingagcotjwa, nawo wonkhe umuntfu logulako agcotjwe. Futsi kwangatsi, uma siphuma lapha, kwangatsi wonkhe umuntfu angaphiliswa, nenkhatimulo

yaNkulunkulu etikwemiphefumulo yetfu, sisakhuleka eGameni laJesu. Amen.

Lukholo lwami lubuka etulu kuWe,
Wena Wundlu laseKhalvari,
O Msindzisi . . .

Asiphakamise tandla tetfu sisahlabela.

. . . Nkulunkulu;
Manje ngive ngisakhuleka,
Susa tonkhe tono tami,
O akutsi mine kusukela namuhla
Ngibe waKho wonkhe!

Kancane manje, *Hlala naMi*.

¹⁷⁴ Tinhloko tefu tikhotseme, sinikela tonkhe tintfo kuWe; cobo lwetfu, timphilo tefu, inkonzo yetfu. Sisebentise sonkhe, Nkhosi. Kwangatsi wonkhe umuntfu angaphefumulelw, namuhla. Kwangatsi lolu kungaba lusuku lesitolukhumbula sikhatsi lesidze, ngenca yaMoya loyiNgcwele lonatsi futsi asibusisa.

¹⁷⁵ Manje niketa labagulako, Nkhosi, tidzingo tabo namuhla. Siphe kona, Nkhosi. Bani nesihawu, Babe. Yenta loku ngenca yaJesu, siyakhuleka.

¹⁷⁶ Futsi manje, Thishela lomkhulu, Wasifundzisa sonkhe, ngalelinye lilanga, Wafundzisa bafundzi baKho, njengesibonelo setfu sonkhe, Wena watsi, “Ngalendlela khulekani:”

Babe Wetfu LoseZulwini, alingcweliswe
liGama laKho.
Umbuso wakho mawufike. Mayentiwe
intsandvo yakho emhlaben,
njengaseZulwini.
Siphe namuhla sinkhwa setfu semihla
ngemihla.
Futsi usitsetselele ngetiphambeko tefu,
njengoba natsi sibatsetselela labo
labanetiphambeko kitsi.
Futsi ungasiholeli ekulingweni, kepha
usikhulule kulokubi. Ngoba uMbuso
ungewaKho, nemandla, nenkhatimulo, kuze
kube phakadze. Amen.

¹⁷⁷ *Kholwa Kuphela*, uma utsandza, dzadze.

¹⁷⁸ Bangakhi labatokhulekelwa na? Singatibona tandla tenu, lofunu kukhulekelwa na? Angati noma beningalayina yini, ngale ngesekudla *lapha*, ngebunengi labangenta. Nalabo laba ngakuloluhlangotsi, balayina esikhaleni setitulo lesisemkhatsini *lapha*, uma ningakhona. Labo labakulesikhala *lesi* setitulo, layinani ngakuloluhlangotsi *lolu*. Nalabo labasemkhatsini wetitulo, *lapha*. Kulungile. Asihlabele manje.

Kholwa kuphela, kholwa kuphela,
 Konkhe kungenteka, kholwa kuphela;
 Kholwa kuphela, kholwa kuphela,
 Konkhe kuyenteka, kholwa kuphela.

¹⁷⁹ Bangakhi loke waba semhlanganweni phambilini, inkonzo yekuphilisa. Asibone sandla sakho. Nonkhe nike. O, hhe! UMnininimandla onkhe, longulokungummangaliso!

¹⁸⁰ Ngiyatibuta. Manje intfo letsite nje ifika kimi, legucula umcondvo wami ngentfo letsite khona manje. Ngibona lelilayini labakhulekelwako mhlawumbe litositsatsa kuze kube yinsimbi yesitsatfu nco futsi, kutsi siphume kulo.

¹⁸¹ Uphi uMnaketfu Tom Merrideth na? Usekhona yini lapha na? Mnaketfu Junior Jackson na? Bobabili, bashumayeli. Nine bashumayeli, bashumayeli beliVangeli, lenikholelwka ekuphiliseni kwaNkulunkulu, wotani lapha umzuzu nje.

... kholwa kuphela.

Kholwa kuphela, kholwa kuphela,
 Konkhe kungenteka, kholwa kuphela;
 Kholwa kuphela, kholwa kuphela,
 Konkhe kungenteka, kuphela...

¹⁸² Umzuzwana nje, ngifuna kunibuta lokutsite. Ngoba, uMnaketfu Cox, nalabanengi benu lapha bayati kutsi lencenyen lena yeliviki, Nginitjelile kutsi bengingayifuni inkonzo yekuphilisa, manje ekuseni, lapha. Kodvwa benginebangani labatsite labangangibita, ngekuhlionipha ini? UMnaketfu Hall bekabambe imvuselelo, inkonzo yekuphilisa, ngale kaMnaketfu Durban. Futsi uMnaketfu Hall bekangale. Ngente simemetelo evikini leliphelile, setinkonzo takhe. Kungalesosizatfu nge—ngente lesosimetelo, ngoba ungumnaketfu, futsi ubambe inkonzo. Futsi...

¹⁸³ [Lomunye ukhuluma neMnaketfu Branham—Umhl.] Leni, leni, Mnaketfu Hall, nguwe loyo, Mnaketfu Hall, lapho na? Mnaketfu Hall unatsi. Kulungile. Mnaketfu Hall, uyavala, kusihlwa, mnaketfu na? Ngiyabona. UMnaketfu Durban ungesheya kwemfula. Banenkonzo yekuphilisa. Ngiyamati uMnaketfu Hall, umnaketfu lokahle, inceku legcotjiwe yeNkhosi.

¹⁸⁴ Ngiyatibuta, Mnaketfu Hall, yebo-ke, uma kukungaceli lokunengi, ungema yini natsi, namuhla ekuseni, sisatokhuleka, sentele labagulako, natsi na? Ngiyakutondza kubeka umfundisi, lobekakadze akhuleka kanjalo; uma nje nitokuma lapha, nebukhona benu bunatsi, ku—kukhulekela labagulako.

¹⁸⁵ Ake sitsi, “Ayibongwe iNkhosi ngeMnaketfu Hall.” [Libandla litsi, “Ayibongwe iNkhosi ngeMnaketfu Hall.”—Umhl.] Unenkonzo ngale kaMnaketfu Durban, kuleliviki. Labanengi benu bayingenele, akungabateki. Futsi

ngafundza kutsandza uMnaketfu Hall ngesikhatsi alapha ngalesinye sikhatsi. Futsi-ke banemphumelelo lengaka, iNkhosi imniike imphumelelo lenkhulu ekukhulekeleni labagulako. Futsi ngikholwa kutsi bekatsi akabe lapha kancanyana, akhulekela labagulako. Futsi, Mnaketfu Hall, ungafuna kusho livi kubafo, noma yini engcondvweni yakho na? Kulungile, mnumzane. Sibe nemhlangano lomuhle kuleliviki, uMnaketfu Hall? Sijabula kakhulu ngani kuba lapha.

¹⁸⁶ Futsi manje nine bantfu labagulako... Hhayi loko kuphela, labashumayeli lapha, sonkhe sente lilayini kanyekanye njengencaba, sikholelwa kuLonemandla onkhe. Sikholwa kutsi Nkulunkulu somandla, kulolu tinsuku tekugcina, ngekwenta imimangaliso, nekuphilisa labagulako nalabahlaselekile, futsi sibona kubasetindzaweni tonkhe kwaKhe kwenta kona kanye nje loko Latsi Uyokwenta. Silapha kutsi sinikhulekele manje ekuseni. Futsi ngiyakholwa kutsi Nkulunkulu utokwenta.

¹⁸⁷ Futsi umzuzwana nje. [Lomunye ukhulumma neMnaketfu Branham—Umhl.] UMnaketfu Jack Oakey, lapha lovela eRevival Center na? Ngani, singakujabulela kuba nawe, Mnaketfu Jack Oakey, noma ngabe ukuphi. Futsi umnaketfu usandza kufika ungitjele nje ngeMnaketfu Jack Okey. Ngabe nisesakhiweni na? Khona-ke, ngani, ni—wotani ngco kanye natsi, Mnaketfu Oakey, noma ngabe ukuphi.

¹⁸⁸ Nalabanye bafundisi, ngani, siyajabula nje kuba nani. Uma nikholelwa ekuphiliseni, wotani lapha. Lona ngumsebenti wetfu kutsi sente letintfo leti, futsi sikhulekele labagulako nalabahlaselekile. Loko kuhle kakhulu.

¹⁸⁹ Mnaketfu Oakey, kuphi... Ngabe loyo nguMnaketfu Oakey lome lapha nani na? Cha. Oakey, Oakey, Ngi... huh? Utsini? [Lomunye ukhulumma neMnaketfu Branham—Umhl.] Kulungile, umvangeli. Noma ngabe ungubani, wota, mnaketfu longumshumayeli, khona etulu lapha, inhlanganyelo. O, hhe! Loko kuhle. Wota lolandzelako. Ungubani ligama lakho, mnaketfu na? [Lomnaketfu utsi, “Mnaketfu Jack Arkly.”] Mnaketfu Jack Arkly. Siyajabula kuba nawe, Mnaketfu Jack, kuba natsi.

¹⁹⁰ Manje, loko kukahle nje futsi kuhle kakhulu. Nonkhe ningachawulana, njengoba nita ngalapho, futsi natane.

¹⁹¹ Futsi manje naku iNkhosi lesitfumelele kona, manje ekuseni, kukhulekela labantfu laba, nalabanye babo basesimeni sekufa. Lodzadze lome emuva ngco lapho, lofake sigcoko lesimhlophe, unemdlavuza. Kunendvodza leme lapha embikwami, inemdlavuza. Futsi kukhona ti—tintfo letinengi letehlukene. Naku kulele wesifazane lonesicakala lesiphukile lesingapholi. Sine, o, tintfo letinengi—letinengi lapha. Dzadze lohleti lapha lonesifo sekucacamba kwematsambo, esitulwени

semasondvo. Uyakholwa kutsi Nkulunkulu utomvumela asindze. Siyakukholwa loko, futsi.

¹⁹² Manje, bazalwane, intfo kuphela lesingayenta kukhuleka. Ngabe kunjalo na? Khulekani nje. Ngibutsakatsaka kancane kakhulu namuhla kutsi ngingene kuloko...?... Niyabona, ngivele nje... Ngishumayele kamatima.

Ngako, manje asikhotsamise tinhloko tettfu.

¹⁹³ Ngitocela banaketfu, uma ngamunye atokuta. Futsi usentele indzawo entasi lapha emsamo, lapha, kute sitokhulekela labagulako. Ngitowehla kanye nani. Futsi sitokhulekela labagulako, futsi sendlulise labanye bendlule, futsi sikhulekele ngamunye. Futsi sonkhe sibeka tandla etikwalabagulako futsi sikhola kutsi Nkulunkulu utobaphilisa. Niyakukholwa, bazalwane na? Kutsiwani ngako, Mnaketfu Hall, uyakukholwa loko ngenhlitiyo yakho yonkhe na? Kulungile. Kutokwenteka.

¹⁹⁴ Ake sitsi manje, uma nivuma, siphumele ngephandle, kwehla ngeluhlangotsi, tinyatselo lapho, bazalwane bami, uma nivuma. Futsi ngikwente ube lilayini lelincane khona ngalapho manje. Ngitocala—ngicale phansi lapha, futsi sitokhuleka.

¹⁹⁵ Futsi sifuna lonkhe libandla lihlangane natsi. Ningakwenta, bangani, sisakhulekela labagulako laba na?

¹⁹⁶ Manje, nine bantfu, kunebavangeli labakahle lapha, nebafundisi bemikhankhaso yekuphilisa, labalapha kutokhuleka nani manje ekuseni. Futsi siyajabula kubuyisela inkonzo manje kukhulekela labagulako.

Asikhuleke kanye futsi.

¹⁹⁷ Babe, eGameni laJesu, semukele manje. Sicela uMoya loNgewelete kutsi ute etikwetfu nekutsi usibusise, futsi usiphe loko lesikucelako namuhla. Kwangatsi emandla emninimandla onkhe lamakhulu aNkulunkulu angangena kitsi njengamanje. Futsi kwangatsi iNkhatimulo yeShekhina, O Nkulunkulu, lowahlala ngaphansi kwetimpiko letihukene teliKherubhi, mane kuChamuke emikhonweni levalekile yesiphambano, futsi urike etikwetfu, namuhla, Nkhosi, njengoba sita sibheke eMandla aNkulunkulu. Sikhulekela lesibusiso lesi kubantfu. Kungenteki namunye, namunye, ahluleke, kodvwa wonkhe aphiliswe. EGameni likaJesu Khristu. Amen.

¹⁹⁸ Manje, Mnaketfu Neville, uma utotfolu emafutsa futsi ume elunyaweni lendzawo lapha manje, sisacala. Asikhulekele lodzadze loseluuhlakeni lwembhedze, kucala, bese-ke sehlela phansi kanjalo, bese-ke sibuyela emuva ngco futsi siyekele labanye bendlule. Kulungile. INkhosi ayibusise manje.

Wonkhe umuntfu emkhulekweni manje. Banini semkhulekweni manje.

Kulungile, bazalwane, lapha. Asikhulekele kuphiliswa kwakhe.

¹⁹⁹ Babe wetfu loseZulwini, dzadzewetfu lolele lapha, utoba kulohhlaka lwembhedze yonkhe imphilo yakhe. Kodvwa, siyakholwa, Babe, namuhla, njengoba eta lapha kutsi akhulekelwe. Futsi tsine, bazalwane baKho, lesikhholwa kutsi Utosentela loku, siyakhuleka ngekutitfoba futsi sicela eGameni laJesu, kutsi Utosusa lesi—lesimo lesi kuye. Niketela lolonyawo i-khalsiyamu, umlente wakhe, noma loko lokuphukile. Futsi ngiyakhuleka, bangaphiliswa, futsi bakhone kuhambahamba, badvumise Nkulunkulu. Netandla etikwakhe, sicela lesibusiso lesi eGameni laJesu Khristu. Amen.

²⁰⁰ Babe, Nkulunkulu, njengoba sime lapha e-altari manje ekuseni; futsi lona, dzadzewetfu lolikhataltsi. Ati kutsi ngalelinye lilanga, ngesikhatsi Jesu asetfwele siphambano, enhla eKhalvari, eGolgotha, Wawa ngaphansi kwemtfwalo wesiphambano. Futsi kwakunendvodza lelikhalatsi emkhatsini wabo, futsi wasetfwala; wasiphakamisa, waMsita achubeke asetfwale, ahamba etinyatselweni letinengati tesiphambano. Nansi lenye yemadvodzakati akhe ihleti lapha namuhla, Nkhosi, leshayiwe, igula, sihleti kulesitulo lesi namuhla. Futsi bekangaba njalo imphilo yakhe yonkhe, uma Wena ungeke waba nemusa, Nkhosi, ngesheya kwadokotela. Kodvwa akatange...?...Futsi siyakhuleka...?...EGameni laJesu, kutsi umlente wakho uphiliswe. Futsi kwangatsi angahamba futsi aphiliswe ngalokuphelele, eGameni laJesu Khristu. Amen.

²⁰¹ Manje, wena, utiva wehlukile...?...noma cha? Wota lapha. Cala nje. Phakamisa tinyawo takho, noma ngabe yini lofuna kuyenta. Khona-ke ufunu kuba...?...utsi, “Ngasukuma ngahamba ngetakhiwo.”...?...

²⁰² Babe wetfu loseZulwini, umnaketfu, umngani wami, umlingani wami lengimati sikhatsi lesidze kangaka, wangibita elucingwени, ngalolobunye busuku, “Ngitfola kutsi, bodokotela bangitjela kutsi akukho tsema.” Emandla emdlavuza, latotsatsa imphilo yakhe.

²⁰³ Nkulunkulu lotsandzekako, Uyayati inhlitiyo yemuntfu. Uma kukhona noma yini lephambene nentsandvo yaKho, namuhla, nomayini, kwangatsi manje ingatsetselelwa. Kwangatsi, manje ekuseni, leli- awa leli impela, uMnaketfu Carl uta kuWe, futsi unikela ngalokuphelele, imphilo letinikele...?...

²⁰⁴ Nkulunkulu, uma Wena... Bodokotela bangeke batentele lutfo letintfo leti. Kodywa nguWe kuphela Longasusa loko kuphila lapho, ente lesosimila...?...

²⁰⁵ Futsi Wena Lohlala ebungeweleni, Nine Lenihlala e... UyiNkhatimulo yeShekhina. Ungumninimandla. Sikhulekela kutsi Utokwenta kusihlwa, ngebufakazi beLivi laKho, bemandla aJesu lovukile. Silahla lomdlavuza, etikwe...?...

²⁰⁶ Babe, Nkulunkulu, manje sicelela dzadzewetfu, sicela kutsi akhululwe e...?...lutsandvo, kanjalonjalo. Futsi manje, Nkhosi, ngikhuleka ngekutimisela, kodvwa Wena utowenta, Khristu Iofanako...?...Ngibeke tandla eikwakhe, Nkhosi!...?...

²⁰⁷ Nkulunkulu lotsandzekako, sibeka tandla etikwaloku, umnaketfu, lome embikwami malanga onkhe, umkhuleko wakhe wawuncamula, umoya wakhe wawuphambanisa, futsi ubuke ngase—ngasekushoneni kwelilanga. O Nkulunkulu, wentanjalo na-Abrahama, aneminyaka lelikhulu budzala; wakhulumaya naye wase utsi, “Ngingu-El-Shaddai.” O Nkulunkulu, Ungumninimandla. Futsi siyakhuleka, Nkulunkulu, kutsi Utokwenta lokungummangaliso futsi upholise loku, umnaketfu, eGameni laJesu. Amen. Amen. Babe...?...

²⁰⁸ Babe wetfu loseZulwini, njengebafundisi labagcotjiwe beliVangeli, labema namuhla...?...Njengoba libandla lahlangana etinsukwini letendlula, futsi emvakwePhentekhosti bahlangana ndzawonye futsi bakhuleka. Futsi, Babe, sibutsana ndzawonye, njengebanaketfu labakholwako, nabo bonkhe bantfu. Futsi sicele kutsi bantfu bahlangane; bakwentile. Sicela kutsi ahambe kulendvodza lencane, namuhla. Ingaphindzi imhluphe futsi. Uyati...?...

²⁰⁹ Babe, sibeka tandla etikwadzadzewetfu, futsi sicela loko, eGameni laJesu, kutsi Utolahla lokugula kwemtimba wakhe, futsi umente aphelle. Ngesikhatsi yengca yehla kulelilayini lemadvodza, ngcwelisela imphilo yakhe Kuwe, Nkhosi, siyakholwa; lobitelwe ngaphandle, imphilo lehlukanisiwe, etintfweni telive, nalabandzako, emabandla labophekile nje, kutsi angene eVangelini sibili. Sikucela eGameli laJesu, Losipha ngekuya kutsi simuceleni Yena. Amen.

²¹⁰ EGameni laJesu, sibeka leliduku, Nkhosi, kuWe, futsi sicela kukhululwa kwendvodzakati yakhe.

²¹¹ Babe, sibeka tandla etikwadzadzewetfu, njengoba endlula kulelilayini lalabakhulekelwako, sicela kutsi Utomkhulula kulokugula loku emtimbeni wakhe. Njengoba silendlulisa lapha, sibeka tandla etikwakhe, Nkhosi, ngcwelisa kokubili siphon...?...Nkhosi. Siphe kona. EGameni laJesu, sicela kuphiliswa kwakhe. Amen.

²¹² Babe Nkulunkulu, sibeka tandla etikwadzadzewetfu, sikucela eGameni laJesu. Njengoba endlula kulelilayini lemadvodza...?...

²¹³ Babe Nkulunkulu, sibeka tandla etikwemnaketfu lomncane, futsi sikucela eGameni laJesu, kutsi Utophilisa noma yini...?...

²¹⁴ Babe, Nkulunkulu, sibeka tandla etikwadzadzewetfu, futsi sikucele, eGameni laJesu, kutsi Uphilise umtimba wakhe futsi umente aphiliswe ngalokuphelele. Siphe kona.

²¹⁵ Babe, Nkulunkulu, sibeka tandla etikwemnaketfu, futsi sikucela eGameni laJesu, kutsi Utophilisa lomtimba. Futsi lapho endlula entasi kulelilayini lebafundisi, ngyakhuleka, Nkulunkulu, kutsi iNkhatimulo yeShekhina ito...?...

²¹⁶ Ngingabeka tandla etikwalotsandzekako, umnaketfu lotsandzekako, futsi sicele, njengoba asandlula lapha, kutsi utohamba kulaMafutsa lakwenta uhlantwe, nguloko lakuthantazelako.

²¹⁷ Babe, ngibeka tandla etikwadzadze, futsi ngicela, ngeliGama laJesu Khristu, kutsi Utomphilisa futsi umsindzise.

²¹⁸ Babe Nkulunkulu, sibeka tandla etikwadzadzewetfu...?... njengoba sibeka tandla etikwakhe, eGameni laJesu, iNdvodzana yaKho. Amen.

²¹⁹ Babe, Nkulunkulu, sibeka tandla etikwemnaketfu...?... tifo, Nkhosi.

²²⁰ Banini nekukholwa manje, lapho bendlula. Bagcotjwe ngemafutsa, njengoba Livi lifundziswa.

E²²¹ Gameni laJesu...?...

Babe, Nkulunkulu, sibeka tandla etikwadzadzewetfu, Nkhosi, lapho ehla ngalelilayini. E...?...inhlitiyo yakhe ifisa...?...

²²² Babe, Nkulunkulu, sibeka tandla etikwemnaketfu, futsi sicela kuphiliswa kwakhe.

²²³ [Lilayini labakhulekelwako liyachubeka imizuzu lemitsatfu nemizuzwana lelishumi nesihlanu, lamanengi emagama eMnaketfu Branham akacondzakali—Umhl.]

²²⁴ Nike nacaphela, ngalokucakile? Ngishumayele manje ekuseni, ngekutsi “imigwaco yemahlukana-migwaco.” Bukani emahlukana-migwaco lapha...?...loluhla lwemadvodza.

²²⁵ [Lilayini labakhulekelwako liyachubeka imizuzu lesitfupha—Umhl.]

²²⁶ O Nkulunkulu, uMninizimandla onkhe! Siphe kona, Nkhosi, kutsi uMoya nemandla kutofika etikwadzadzewetfu, bamenta asindze ngalokuphelele. Siyakhuleka, eGameni laJesu, njengoba endlula entasi kulabafundisi, kwangatsi angaba ngulophelele kusihlwa. Amen.

²²⁷ [Lilayini labakhulekelwako liyachubeka emasekhondi langemashumi lamane nesihlanu—Umhl.]

²²⁸ Babe, eGameni laJesu, sikhulekela leliduku, ngalokufanako njengoba latsatfwa emtimbeni waPawula. Futsi ngibita...?... Khulekani, Nkulunkulu, kutsi asindze, manje ekuseni, eGameni laJesu. Amen.

²²⁹ Lotsandzekako lotsandziwe, mngani, eGameni... Lindzani, nangu dzadze lotela kutokhulekelwa. Ya, yenyukela khona lapha. Nine bazalwane...

²³⁰ Babe wetfu loseZulwini lotsandzekako, sibeka tandla etikwadzadzewetfu. Futsi sibonga kakhulu ngaye abancono. Kwangatsi kukholwa kwakhe kungete kwamiswa manje. Futsi...?...eGameni laJesu Khristu...?...

²³¹ Manje senteni na? Loko lokwashiwo yiNkhosi. Ngabe kunjalo na?

²³² Siyajabula kuba nebazalwane betfu labavakashile, bazalwane lababashumayeli kanye natsi, bonkhe labangani laba. Tsanini, “Ameni,” nonkhe nine leni...[Libandla litsi, “Amen.”—Umhl.] Yebo-ke, nemukeleke sibili kubuya emuva, bazalwane bami labatsandzekako, kutsi nibe natsi. Futsi namuhla, sitovele nje sikwente, ku—kuphuma ngesikhatsi. Siyajabula kutsi benilapha. Futsi, bazalwane bami, ngiyankhulekela njalonjalo. Futsi ningikhulekele, noma ngabe niyaphi, futsi nikhuleke manje njengoba ngiphuma ngyia ensimini futsi. Futsi kwangatsi imigwaco yetfu ingawela, sikhatsi emvakwesikhatsi.

²³³ Khumbulani, uMnaketfu Oakey, ngingahle...kwentekile ngakhumbula labatsandzekako bakhe ngephandle lapho e—eCalifornia. Ngabe loyo nguDkk. Oakey, wase...? [Umnaketfu Oakey utsi, “Cha.”—Umhl.] O, lolomunye Oakey. Yebo, mnumzane. Futsi ngi—futsi ngiyati kunencumbi ye-Oakey ngephandle lapho. Ngangingati nje kutsi nguliphi lalichumene nalo. Ngiyati Dkt. Oakey, dokotela wematinyo, niyati. Futsi—ke, futsi—futsi khona...Ngabe usihlobo kuye, futsi? [“Ungumzala wami.”] Umzala wakho. Yebo-ke, loko kuhle kakhulu. Indvodza lekahle!

²³⁴ Manje, yini lesiyentile kini bantfu lapha na? Naku lokungiko. Besingeke sime lapha futsi sibeke tandla etikwalabagulako ngaphandle uma besikukholwa. Sibabonile bantfu ngatsi namuhla, bahleti kuletetsameli khona lapha; bantfu banemdlavuza, baphumphutsekile, bakhubatekile. Ake nginikhombise lokutsite nje, uma kukhona tihambi lapha. Bangakhi lapha lophiliswe, ngaleyondlela, waNkulunkulu na? Asibone tandla tenu tiphakama. Loko, kungaboni, umdlavuza, futsi nakokonkhe lokunye, niyabona. Niyabona na? Utonentela lokufanako nani. Niyabona na? Manje, siyakwenta, njengaloku: sikhola umkhuleko wetfu.

²³⁵ Futsi manje ekuvaleni, ngaphambi kwekutsi sibuyisele inkonzo kuMnaketfu Neville, khumbulani tinkonzo kusihlwa. Futsi kusihlwa, uma akhona lo—lowatiko, lotsandzekako longakangeni manje ekuseni kutsi akhulekelwe, Umnaketfu Hall, lapha, ukaMnaketfu Durban. Futsi loko kutoba...Futsi yini lelikheli, mnaketfu na? [Lomunye umfo utsi, “Angilati likheli.”—Umhl.] Ini? [Lomunye umnaketfu utsi, “Seventeenth na Market.”] Seventeenth and Market, eLouisville, lapho banemkhankhaso wekuphilisa khona. Futsi nguleso sizatfu

beniginemahloni ngekuba nalenkonzo. Ngi—ngi—ngiyakutondza kuya endzaweni lapho lotsite abambe u—u—umkhankhaso wekuphilisa, futsi lomunye acale munye. Futsi kungalesosizatfu ngishito-loko lengikwente ngekunga... ngetinkonzo manje ekuseni, kuhlonishwa kweMnaketfu Hall kaMnaketfu Durban, ngoba bobabili babangani bami labatsandzekako.

²³⁶ Futsi asifuni umkhankhaso wekuphilisa lowelela ngalapha, ngesikhatsi uMnaketfu Hall asenaye lotowelela lapho. Nginesiciniseko ngaloko. Futsi, ngako, siyamtsandza.

²³⁷ Futsi manje, Mnaketfu Oakey, ukuphi, mnaketfu na? [Umnaketfu Oakey utsi, “Emashumi lamane-emashumi lamatsatfu eWest Market.”—Umhl.] Emashumi lamane-emashumi lamatsatfu eWest Market. Lolomunye umnaketfu lonawe lapho, nikanyekanye na? Kulungile. Manje lawa mashumi lamatsatfu... mashumi lamane... [“Emashumi lamane-emashumi lamatsatfu eWest Market.”] Emashumi lamane-emashumi lamatsatfu, emashumi lamane-emashumi lamatsatfu eWest Markrt, eLouisville, lokunye kukhankassa. Futsi ngako kutoba sikhatsi lesingakanani lapho, Mnaketfu Okey? [“Ushumayela lapho liviki lonkhe.”] Lonkhe leliviki lelitako. Loko kukahle. Manje, nonkhe nibe nekugula, emashumi lamatsatfu... emashumi lamane, eWest Market. [Libandla litsi, “emashumi lamane-emashumi lamatsatfu eWest Market.”] Ya. EForty-first kuWest Market. Kulungile. Loko kukahle. Manje ngabe kukhona... .

²³⁸ Ngibone labanye futsi bafundisi labalitsantana. Umnaketfu lapha, unemkhankhaso lohamba ndzawanatsite, mnumzane? Cha. Cha. Ya. Yebo-ke, loko kuhle kakhulu. Loko kukahle.

²³⁹ Futsi lomnaketfu lapha usi—sitfunywa senkholo eJudeni, ngiyakholwa, akasuye na? Nesitfunywa senkholo kumaJuda. Ngicabanga kutsi uhlala eNew Albany. Futsi ngako sijabula kakhulu kuba ne... .

²⁴⁰ Ngabe ukhona lengimshiyile? Ukhona yini lotsite ndzawana tsite na? Ngi—ngikholwa kutsi Angika; Angikaconzi kukusho. Kusobala, uMnaketfu Junior Jackson, niyati kutsi ukuphi eNew Albany.

²⁴¹ Umnaketfu Tom Merrideth unekusakata. Unalo yini libandla, uMnaketfu Merrideth a? Akukho bandla. Kusakata nje. Wakumemetela, emizuzwini lembalwa leyendlulile.

²⁴² Futsi uMnaketfu Neville anenkonzo lapha yenu bantu lapha, khona lapha, yakusihlwa, futsi nakuloLesitsatfu lotako, nakulolonkhe liviki. Netinkonzo takhe—takhe, kusakata kwakhe, kungeMgcibelo ekuseni. Kulungile.

²⁴³ Wonkhe umuntfu utiva akahle na? Tsanini, “Amen.” [Libandla litsi, “Amen.”—Umhl.] Kulungile, bangani. Kukwenta ufune kujoyina lesi lesihle, sicuku lesijabulile sebashumayeli,

futsi uhambé uyoshumayela liVangeli, futsi ukhulekele labagulako, futsi. Nkulunkulu aniphe kona, bangani.

²⁴⁴ Lendvodza lencane lapho lejikwe ngephandle kwemkhumbi, waba nencenyé yensimbi, leyafakwa ngaseluhlongotsini lwakhe, luhamba kuye, futsi lwaphumela ngakulolunye luLangotsi, kanjalo. Lotsandzekako, make lokhulekako! Nkulunkulu wamsindzisa ngenhloso letsite. Kusukela angitjela, ngacabanga... Manje ekuseni, nigliangene naye njengoba ngingena ehholeni. Wangichawula. Ngatsi, "Awusuye lomfana na?"

²⁴⁵ Watsi, "Yebo, mnumzane." Watsi, "Ubitelwe enkonzweni." Nkulunkulu bani nesihawu! Manje, bazalwane bami labatsandzekako... Insizwa nje, ihleti lapho ifake libhantji lelinsundvu. Kwangatsi Nkulunkulu anganiketa kutsi utoba kukhanya lokuhlabako, sisekwahlukaneni emgwaco, ndvodzana. Futsi, ushumayele liVangeli, ushumayele liVangeli leligewe, ushumayele lonkhe Livi laNkulunkulu, futsi ungancemphetisi ngalutfo. Mani khona lapho endzaweni yemsebenti. Nkulunkulu utokwenta lichawe lelikhulu kuwe.

Manje, asikhuleke lomkhuleko munye wekugcina manje walabagulako.

²⁴⁶ Babe wetfu loseZulwini, siyakubonga Wena ngalensizwa, manje ekuseni, futsi, Nkhosi. Futsi lapho ahleti lapho manje ekuseni, alalele Livi, futsi abona labafundisi laba netinhlitiyo tabo tivutsa emalangabi, njengoba babeka tandla etikwalabagulako, lapho bendlula kulelilayini. Sibona bufakazi lapho, bebantfu baphakamisa tandla tabo, lophiliswe kumdlavuza, nebumphumphutse, netihhulu nesimungulu, nalokhubatekile. Ku—kuyinsayeya. Futsi sibuka phansi leLivi lelidzala lelibusisiwe, futsi Latsi letinsuku leti tatitoba lapha, futsi naku sime khona. Sibona Nkulunkulu longumninimandla onkhe nemkhono waKhe weluliwe, netibonakaliso netimanga titi. Siva umsindvo wemvula lenengi emoyeni. Siyati kutsi siselusukwini lolukhulu lwemvula yekugcina.

²⁴⁷ Lapho, Sathane ayoboshwa futsi aphonswe emgodzini, aboshwe ngemaketane esimo, kutsi angeke akhone kuphuma futsi adukise tive phindze. Futsi iminyaka leyinkhulungwane, kubusa kwesikhatsi seminyaka leyiNkhulungwane, kutokwenteka emhlabeni lapho sisadvumisa iNkhosi yetfu Jesu, futsi baMhlobisa; baMetfwesa umchele, "iNkhosi yenkhosi, neMbusi webabusi."

²⁴⁸ Lomhlaba lomdzala losoni uyosakateka uvuleke, ngalolunye lwaletinsuku leti, ngesikhatsi emandla e-athomu akhululiwe, ne-haydrojini itowenta njalo. Futsi lonkhe lwandle, nemanti lamanengi, ato... Lwandle luyokhala luze lome. O Nkulunkulu! Nelilanga liyokwehluleka kukhanya. Nenyeti ayinakuniketa kukhanya kwayo. Netinkhanyeti telizulu

tiyokuwa njengemkhiwa longapheli lotanyatanyiswa ngumoya lonemandla. Nebantfu bayokhalela emadvwala netintsaba. Futsi kutogcina kuyini lokuphila loku lokuncane ke?

²⁴⁹ Khona-ke labafile kuKhristu bayovuka. O, ipharadesi lenje pho! Tive ngeke tiphakamisele lesinye sive inkemba, phindze. Futsi ngeke sibe nelilayini lekukhulekela labagulako.

²⁵⁰ Namuhla lusuku lwensindziso. Futsi, Babe, siletse labantu laba kuWe. Futsi sikucele Wena, eGameni laJesu, Lowasho loku, “Celani noma yini kuBabe eGameni laMi, kuyokwentiwa.” Manje, tsine, akusiwo umkhuleko wetfu kutsi sinekukholwa kuwo. Kukubita kwaKhe, sinekukholwa ekhatsi. “Celani noma yini kuBabe eGameni laMi, Ngiyolwenta.”

²⁵¹ Manje, Sathane, wena lobewumubi kakhulu, futsi ubophe labantu laba, futsi wabeka kufa etikwalabanengi babo, futsi wabakhubata, futsi wabaphumphutsekisa, futsi benta tonkhe tinhlobo tebubi kubo, wehluliwe. Wehluliwe, ngoba sente loko nje Jesu latsi kwente. Ngako-ke, kukholwa kwetfu kuyabuka manje futsi kutsi kuwe, “Yekela labantu. Phuma kubo, eGameni laJesu! . . . ? . . . Futsi kwangatsi wonkhe umuntfu angasindza, ngeliGama laJesu Khristu.

Ayibongwe iNkhosi! Manje kholwani.

Ngingakhona, ngiyavuma, ngiyakholwa;
 Ngingakhona, ngiyavuma, ngiyakholwa;
 Ngingakhona, ngiyavuma, ngiyakholwa
 Kutsi Jesu uyangiphilisa manje.

NgiyaMtsatsa eVini laKhe;
 NgiyaMtsatsa eVini laKhe;
 Uletsa kimi kukhululwa ngesihle,
 NgiyaMtsatsa eVini laKhe.

Ngingakhona, ngiyavuma, ngiyakholwa;
 Ngingakhona, ngiyavuma, ngiyakholwa;
 Ngingakhona, ngiyavuma, ngiyakholwa
 Kutsi Jesu uyangiphilisa manje.

²⁵² Anikukholwa na? Ngayo yonkhe inhlitiyo yami! Mnaketfu Sawula, uyakukholwa na? [Umnaketfu Sawula utsi, “Amen.”—Umhl.] Uyakholwa kutsi Nkulunkulu utokwenta, Mnaketfu Tony na? [Umnaketfu Tony utsi, “Amen.”] Amen. Dzadze Snyder, uyakukholwa na? [Dzadze Snyder utsi, “Amen.”] Dzadze, *uyakukholwa na? Uyakukholwa*, dzadze na?

²⁵³ “Futsi kukholwa kunguloko lokucinisekile ngetintfo letetsenjwako, bufakazi ngetintfo letingabonwa.” Ngekukholwa sitibonile tindvonga letinkhulu taseJerikho tiwa! Khristu ukuhola ngekukholwa. Niyakukholwa na? Amen. Siyakukholwa. Ungake ube nesitfunti sekungabata, nakanye. Nkulunkulu utokucedza. Umninimandla onkhe! Kuciniseke kakhulu!

Ngifanele nje ngikulandzele. “Letibonakaliso leti tiyobalandzela labakhholwako.” Amen. Akamangalisi yini?

²⁵⁴ Manje, singakhotsamisa tinhloko tetfu umzuzwana nje sentele umkhuleko wekuphuma. Sitocela... Sondzelani ndzawonye, sikhatsi lesincane senhlanganyelo. Sitocela uma uMnaketfu Neville, uma angenyukela lapha manje, njengoba sonkhe sikhotsamisa tinhloko tetfu ngelivi lemkhuleko. Njengoba sihamisha kucala, netinhloko tetfu tikhotseme:

Ngingakhona, ngitokwenta, ngiyakholwa;
Ngingakhona, ngitokwenta, . . .

²⁵⁵ Kumbula nje, Useceleni kwakho. Ulapha kwenta lobungiko. Vani nje eMandla aKhe angena kuwe manje. “Ngingakhona?” Impela, ungakhona.

NgitoMtsatsa eVini laKhe;
NgitoMtsatsa eVini laKhe;
Uletsa kimi, kukhululwa ngesihle,
(EKhalvari.)
Futsi ngitaMtsatsa eVini laKhe.

²⁵⁶ Sisakhotsamisa tinhloko tetfu manje. Mnaketfu Neville, ngaloko lofuna kukusho.



EMAHLUKANA-MIGWACO ESIKHATSI SSW56-0115
(The Junction Of Time)

LoMlayeto ngeMnaketfu William Marrion Branham, kwekulala wetfulwa ngesiNgisi ngeLisontfo ekuseni, ngenyanga yaBhimbidvwane 15, 1956, eTabernakeli laBranham eJeffersonville, eIndiana, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org